



春融堂集卷十三

青浦 王 和

德甫

勞歌集

壬辰 辛卯

騰越寓舍後廢圃見梅花一株有感

粉牆東畔影參差始覺疎梅發數枝寒不依人原自惜瘦今  
如我副相思冰霜性格圓蟾照松竹丰標翠鳥知卻恨經年  
離別久春醪重酌已嫌遲

上元前一日易羅池亭觀燈有作

半月東風入柳條傳柑佳節荷招邀邊民正喜消兵久火樹  
銀花破寂寥

水光山色照溪亭亭下珍珠百斛停更聽十番絃索好新聲

來自錦帆涇

時彰制軍寶由江蘇  
布政使陞任至此

山花野鳥盡開敷烟火熒煌蠟炬俱更有新奇人未識鯉魚

跋浪鶴將雛春鶯臺閣裝成對畫楹明月未斜筵未散直教

結束到三更三載邊城度上元近來憔悴豈堪論緣知節使投醪意不惜

青袍泥酒痕重過大樹園與升之聯句

大樹今無恙甫德甫開門昔屢經重遊耽寂寞升相對話飄零春

半花如掃甫德甫宵分竹自扇林深初逗月升葉罅忽穿星泥潤

新除逕甫德甫落荒舊憩亭履綦懷往躅升翰墨認前型台座愁

頻坼經畧傅公及副將軍阿公蠻貊恨未寧仍煩神筆德甫

庭先生升之幾見旅驂停卜夜容疎放甫德甫遵塗入杳冥居然成傳

舍升聊爾比郊坰噩夢猶餘悸甫德甫嘉謨憶共聽談深歌更哭

升吟苦醉還醒泛泛杯浮白甫德甫幢幢燭暈青歲時三改升

身世兩漂萍羈迹同齊贅甫德甫鄉音伴楚伶虛舟先負壑升

室尚留銘經畧有園誰分愚公谷甫德甫人稱謝傅庭山楹當埤

坵升仙刹傍岩亭到處鴻留爪甫德甫歸來鶴蛻翎金城搖落意

升霑灑問園丁甫德甫

壘水河瀑布

玉龍奮迅空山裂箭激長洪走凹凸終古恒疑香海翻懸空

直恐銀河竭不雨頻馳晴日雷未寒先灑炎天雪建瓴卻藉

墜形高鼓橐無虞元氣泄齟齬崩崖豁百尋沖澗急瀑迴三

疊大盈江派此其源下注檳榔快劍映我居夷裔正蕭寥欲

出闔闔溯奇譎斜抱城根帶玦環初濺石齒鳴籥澁從風蕩

漾散雲烟綠嶂奔騰挂虹蜺儻逢畫手有吳生持較嘉陵豈  
見劣危亭小立聽喧豷獨剩落衣讀殘碣餘姚太守真好事  
手闢榛蕪斫槎檠豐城老將亦名流

餘姚人鄧豐城人

更飾香茆敞檀案坐使深湍傍屋行響入梭楠尚

蕭屑十年流水不聞聲安得跌跣證禪悅深澗懸知蘊怪靈  
蠻區應為湔歎熱濃陰如更沛長霖走馬重來看奔決

清明

節物傷心值禁烟輕寒暫暖雨餘天棠梨花外西郊路蠻女

家家送紙錢

絲來

絲來岐路更多岐錯互流傳信又遲石關已銜難計事鬼車  
竝載庶亾疑休將黑白分全局正恐蒼黃涅素絲一枕華胥

俱噩夢曹騰只合倒深卮

奉旨移師往討金川啓程途中有作

歲陰單闕陽月朔我客南詔經三秋盲風怪雨歷炎瘴羊腸  
鳥道供狂遊疾病雖多神力王意氣尚覺無全牛昨宵衙前  
搥大鼓尺一有詔移貔貅狼貪鼠竊三十載鄰封切齒  
思同仇臨邊連帥專姑息恐致虺蜴成蛟虬裸夷况已親納  
賚八關撤警烽煙收橐弓執冰亦何用自宜合勢誅蚩尤元  
冬已屆風霜適曉來朔氣穿重裘鳴笳吹角分隊起敵愾竝  
奮騰驂騶高黎點蒼若送我出雲山翠明雙眸諸君摻袂共  
留餞凍醪百斛觥船浮興酣不作兒女別悲歌斫地森吳鉤  
雪山玉壘又絕險軍諮記室無長籌獨憑威靈震薄海重  
臣韜畧相咨諏手挽天河洗兵馬試看露布馳 皇州

別段生

雲程

戎馬間關日江山搖落辰憐君中夜別萬里話窮塵

露重風淒月半明蕭蕭斑馬出巖城循陔將踐三年約絕塞

福

赴蜀發永昌

仍為萬里行并鉞參旗垂浩蕩松潘雪嶺倍崢嶸故鄉卻望

今誰是同指哀牢涕泪橫

寄查觀察恂叔

烽火頻年歷瘴鄉又隨定遠過華陽陌刀三百軍鋒銳

見牛叢與

南詔綽斯書時率滿洲兵二百同行

組甲三千殺氣揚

時調黔兵三千續至

星拂參旗開

北落地窮井絡入西羌書生參佐真何補聚米憑君指戰場

決策凌冬鏟賊壕木坪瓦寺陣雲高雜夷何敢思蠶食上將

重煩運豹韜羽檄徵兵三道集繩橋輓粟萬夫號熏香畫省

南吳客袍服頻憐壓孟勞

東華游醺昔時同獐酒搖刀讖語中擁傳君先辭薊北從軍

我亦度岡東

緬人稱老官屯為岡東

梅花人日勞相憶杜宇春山望不

窮何意天涯雙鬢白維關風雪竝臨戎

杜陸清才萬古傳敢誇詩筆鬪前賢江山寥落身將老戎馬

間關病未捐遠道驚心悲陟屺餘生回首念歸田祇應共醉

鄒筒酒欲訴牢愁更惘然

七星橋

鐵柱規模壯金繩結構牢斗杓分地脈

是滇黔交界處

羽扇想人豪

相傳諸葛武侯祭斗於此故名

彖竹尋源迴盤江得勢高虹梁通鳥道不卹

馬蹄勞

威寧道中

向晚威寧道昏昏欲雨天愁看雲似墨偶露月如弦怪樹妨  
狨帽深泥及馬韉僕夫相顧泣何處辨人烟

旅次

萬疊山巒繞客程半輪微月暗還明淖深九折黃泥坂樹翬  
三家紫邏營魑魅欲來先怪鳥驂駟已病仗殘兵天涯幸值  
同袍侶

同年威寧知州崇君士錦

濯足招魂餉芋羹

夜至古廟

冷炙殘羹間濁醪一餐聊復解塵勞寒螿獨語知霜重宿鳥  
頻驚見月高陰壁尚欹塗毒鼓靈旗斜拂赫連刀最憐疲馬  
虛芻牧蹄地長鳴枉自豪

次畢節

今夕知何夕荒城落百蠻雲霾山一角沮洳屋三間羽檄方

傳警毛錐未得閒寒燈明滅裏催卻鬢絲斑

馬神廟小憩

雨霽雲消見碧天昏昏殘月屋西偏壞牆有牖縈蛛網破廐  
無槽置馬韉難覓候人供酒食恐驚鬼卒荷戈鋌穿林跋淖  
津梁倦聊拂塵牀枕手眠

將至瀘州小憩有作

荒祠供頓稍勾留敗壁頽垣觸目愁柱刻蛟龍猶攫網庭棲  
禽鳥亂鈎輅未經蜀棧千重險先試瀘河一葉舟歲歲從軍  
今更甚殘冬霜雪滿茸裘

夜半至雲松官舍飯畢又行留別

月昏雲暗度層巒及到官齋夜已闌幸有元戎

溫將軍

招對酒

更憐舊友勸加餐棖棖絃索聲偏急漠漠泥途雨未乾此別

何時重見面揮鞭忍淚上危鞍

成都懷古五首

天彭井絡氣嶙峋自古名賢蹟未湮共說錦官還綺麗誰知  
禮殿久荒榛凌雲已見留封禪投閣無慘更劇秦太息文人  
多失志譙周老去又稱臣

裴相文章柳尹書高才健筆有誰如諸葛武侯碑為裴  
晉公撰柳公綽書魚龍

八陣留奇蹟牛馬千山送積儲天護將星歸冥漠人思炎鼎

其欵歎英靈假手誅鍾鄧就誅司馬炎篡使當塗社稷墟滅蜀後鍾鄧即

魏

同谷飄零赴蜀州浣花溪上草堂幽雲間白雪三城戍橋外

青江萬里舟傷亂已哀者舊盡收京尚為國家憂誰憐稷卨

心期壯晚歲思隨案可遊

長嘯聲華異域傳謂范淑  
公鎮三蘇繼起正齊肩氣鍾嶓冢江源

盛身列甘陵黨部先韓富一時推國士秦黃六子附名賢投

荒萬里知無憾瓊海瀛洲總是仙

第一科名宰相家力爭大禮謫天涯詞章自織扶風錦著作

如乘博望槎空有香閨工唱和不嫌紅粉互天斜荒基猶說

升菴在桃杏新栽百樹花時查恂叔重葺  
升菴雜樹花藥

朱太守子穎述峨眉之勝感作

雞足峨眉兩處尊此來不用愴征魂天知宿業多聞在使作

頭陀入願門予在雲南曾謁雞足山敬禮大迦葉尊者華頂  
道場尊者頭陀第一而普賢則願門也安得第

枝筭笠往  
遂此志耶

大相嶺夜宿曉書所見

經行大相山廿里穿菑翳風饕雪又虐馬瘖僕亦疲到門夜

昏黑不辨何賢祠山僧蒸松明始得寬征衣煖湯類我面豆  
粥解我饑嗒然一榻臥漏盡誰能知喧聞爭到秣惡馬羣蹄  
嘶雲房鐘鼓動約畧黎明時起就窗下飯蠻酒如酸梨飯罷  
啓東牖微光照采思松杉戛零亂冰霰紛縹緹浮雲將解駁  
明霞倒射之十光互蕩漾三素分葳蕤七襄錦繡段百樹珊  
瑚枝六章燦輦翟五緯迴璇璣亘天長虹挂映日彩鳳儀青  
圭間白琥黃絹兼色絲斑爛鍾氏羽璀璨天孫機琪球合王  
會茶墨陳軍麾又如華嚴海蜃市開恢奇樓臺變頃刻人物  
窮豪釐罕譬寧足罄幻化難思維斯須金烏升巖谷收寒霏  
蔚藍千萬里雲樹含清暉出門見冠冕是諸葛忠武祠再拜臨階墀  
清高肅遺像坐鎮西南陲指揮出絕景用慰羈人悲舉鞭還  
國望萬嶂真崔巍云是九折坂子贛常驅馳明當趁晴霽買

勇超屨屨

邛州笮橋

翠竹編排束笋齊輕浮水面淨無泥行人來往如平地餘潤  
何妨溼馬蹄

殘夜過邛城小憩南明官舍把酒惘然述舊撫今輒  
成十絕

拋擲江鄉水竹綠飄零薄宦滯西川誰知蕉萃楓江客慘緣  
當時最少年

射雉城西木葉凋一樽風雪晚蕭蕭如何東閣淒涼夢又在

清江萬里橋

南明與予在如皋官舍中聚處最久

衰老渾如病葉零憐君雙鬢尚青青觀河面皺誰能識差喜  
鄉音剪燭聽



小雪輕冰逼歲除  
蠟梅花向膽瓶舒  
忽思翻襪菴居士  
宿火清齋寫梵書

時出山舟侍講所書賢首經見示

短几虛櫺柔曲牀  
殘僧風味儘蒼涼  
也無人向重簾底  
擁髻挑燈說故鄉

南明內子已歸吳下而細君亦留敘州衙齋蓋如水也

香楠萬本隔荒陬  
瘴雨蠻煙木客愁  
閱盡千山筇杖底  
何人碑版記西樓

草檄談兵絕徼趨

如雷礮石萬人呼  
誰堪更向巴渝路  
滿目干戈著腐儒

南蠻定後又西戎

絕域分明指顧中  
料得據鞍吟嘯處  
雪山雲海蕩晴空

十七年前七字詩

最憐白石有清詞  
征衣如雪年年浣  
又是天涯歲暮時

南明曩以白石道人絕句書扇見贈追憶及之

虎頭無復問封侯  
垂老心情憶故邱  
安得鄉園老兄弟  
青蓑同上釣魚舟

離堆

上為灌坂有秦守李冰父子廟

嶠山塞外來厥流  
最迅利奔騰逮汶川  
響若風雷厲直下  
為中江激箭尤雄肆

東南乃成都衍沃  
宜樹藝膏腴之所  
殖畝以數鍾記惜哉  
形勢高安得水泉  
濟坐令歎曠乾石田  
付蔚蒼太守本天人

山川在腸胃相度  
開洪荒決排破幽  
曠疊石扼其衝湍波  
遂分二又左作伏龍

堰名迫速益涌沸後水擁前  
水俾之載高地激行  
可過山似難寔轉易  
颯發與星馳逆流

盡南暨昫昫千萬  
井霑被無遺計黍稌  
獲成熟壩閘時啓閉

不待靈雨甘豐登  
慶嘉瑞北之仍合江  
雙津肆容裔所以天

府名秦蜀表神異  
東吳賴轉輸西土富  
秉穗偉矣萬世功粒

食慶作又我來灌坂上解鞍恣瀏憩榱桷煥丹青楓楮耀紫  
翠鼓鼓戛訇鏗豐碑插巖巔鼎鼐蕭薌升波陀血管漬後祠  
二郎神威靈其炎熾皆云挾雕弧雲霄自遊戲尊嚴神鬼呵  
叱咤蛟龍避此堆尚屹然永寧等帶礪鄉老重春祈祠官肅  
秋祭紛紜走巫覡雜遝拜婦穉俯察仰更觀目眩心亦悸

### 溜筒

我從灌口來詰屈歷窳窳稍下至危磯峯巒圍幽奧磯水沸  
湯湯欲渡迷津要裹衷望林間巨木森旗纛問名識溜筒尋  
橦古所號一高復一低縋繩互繚繞引之到彼岸鑿石繫深  
竅剖竹合其間督令征夫抱手足還繫之一放等鷹鷂遙睇  
惡谿長林林立刀鞘風雷擺訇轟冰雪亂奔跳營魂已迷離  
耳目竝震掉旣濟雖無恙更生尚自悼目擊眞旁皇津吏持

行告云聞大軍至萬衆何由蹈前途竹索橋已爲大人造  
用周  
易解驂酌村沽眺覽資詩料仰看筒上人天半正呼嘯

### 竹索橋

昔過鐵索橋下俯江如雪今來出汶川竹橋更奇絕憑空束  
浮筠環柱挺高節動經十丈強迴異五重篋層層繞縋纏處  
處聯箚篔簹鷲鳥愁飛翮哀猿驚截嶂避險去桃關策蹇循邱  
壘製仿徒杠低形似短笱截此間本要津軍須日闐咽昨宵  
輓運來愁雲暗巖月千口其呼號五更聲未徹性命懸一絲  
凜凜墮魚穴今晨風未平餘威尚飄瞥欲濟愁褰裳僕夫左  
右掖百步過江心羈魂餘戰慄迴看橋左偏舊笮半綻裂

### 皮船

獨木剝作舟厥腹枵然空體圓易敝側涉水愁長風西番更

用竹編緝形如籠密繩互糾結羣用牛草蒙蓋當兩山間石  
壁高龍窾無由纜祚索詎可懸溜筒番中多斃牛千百皆蒙  
茸道斃取其鄴價賤物易充綳之三回疊問渡可奏功溪流  
一道來暴怒聲轟轟兩人繫磚羸戰色枯灰同一人持斷木  
直泝兼橫衝適逢驟雨過水石相磨礮團團快轉磨颯颯疑  
飛篷隻手苟失誤破碎何由縫剝那便數里小泊登旁峯篙  
師顏色定羈客心神融不爾一滲漏性命歸幽宮下眎更駭  
絕攢石干刀鋒歷險豈易盡感嘆何時窮

與升之夜坐

路滑城橋雪寒深瓦寺雲今宵還見面兩日惜離羣蠻酒何  
村覓勞歌永夜聞殘燈毳帳裏顛頓復何云

贈貴州哈提督敬齋

國典

上將移師自戛鳩魚通韜畧賴前籌銜枚千騎穿雲棧踏雪  
三更剗石樓斫陣誰當楊大眼讀經偏愛賈長頭鏡歌朱鷺  
行將近圖畫凌烟表壯猷

軍抵山神溝

劍南自負多奇氣直造岷山看江水我今更度大峽西已踰  
江源一千里巖下哀礮琤琮鳴濺人飛沫衣生稜危石戴冰  
怒獅踞喬柯凍雪乖龍橫層崖遠邁羊腸惡駿馬十步九步  
卻豈無健兒好身手尚恐虛沙崩欲落生平豪氣老不除揮  
鞭徑上凌崎嶇垂堂之言寧足戒但恨奇險難爲書空山忽  
聞搥大鼓巨礮如雷走林莽風旗獵獵舞龍蛇已見軍營排  
隊伍

行礮頭草坡間作

碣頭之路如蟻旋斗削翠壁千尋懸怪石林林萬刀劍下護  
絕底蛟龍淵行人一望頭目眩駿馬哀鳴踵流汗我來不惜  
二分垂要看羣峯接霄漢崑崙山勢西南來天山葱嶺爭崔  
嵬向南一支到滇蜀千巖萬壑雲中堆此是太倉一稊米西  
戎得此輒驕侈時平絕險少鴟音何乃此蟄效封豕出師兩  
道何彭彭偉伐欲掩前賢名蠻烟瘴雪忽開期乍橋石屋空  
崢嶸軍鋒未動衆已怕番官土職爭迎迓此中險隘汝弗矜  
試看神兵自天下

過天舍山至格節薩

朝抵松林口午陟天舍山玉龍倏忽戲雲海琉璃萬頃堆銀  
盤入言此是太古雪白日不化封層巒細路千迴若懸縷雪  
爲階級冰爲磴上山苦滑下更難何限驩躍此踏踏瓦寺香

人等獺鹿躡險梯空不留躅乞與元戎作僮僕五人曳馬鬣  
十人持馬足雙旗颯沓下重巖走丸激箭誇神速我老轉愁  
腰腳愞舍馬而徒行更蹇道逢兩卒慣冰嬉扶持始得如風  
轉山木慘慘天將昏手足皸痲拳肩跟夜深茆舍燈火暗恍  
惚魑魅呼精魂嗚呼男兒橫行休闖騰蹕應須骨精聳不  
見當年經畧公一踰此山爵忠勇

得恂叔詩卻和

旌竿毳幕遠層層風起焚輪不自勝沃日每夕多大風掠地鴉翎翻  
雪影凝霜馬背起冰稜碣樓遙出前山霧堠火齊明半夜燈  
同是戰場同晚歲新詩吟罷涕霑膺

三歲籌邊舊有聲飛書借箸賴長城伊涼士馬初臨境時調固原

西寧兵由髮濮番夷別駐營恂叔時赴雜谷雨礮風旗荒徼

路春燈臘酒昔年情藁街計日銷兵甲應許閒鷗話宿盟  
望日耳凋寨有作

凋寨之堅誰始作唐名石屋今猶昨絕徼千山連脈絡碎石  
林林遍谿壑大比輞輪小鐘鐸齊厥大小裁寬博累棋直上  
出叢薄七層浮圖十丈閣四面孤懸聳而削高矗烟霄捎鶴  
鶴築之不俟匠人約塗之不藉巧人望其巔木石交相錯旁  
開圭竇睇寥廓庸以施鎗注矰繳飛桃瓜斜藤縷縛汲水砍  
薪跣兩腳背負以登任騰躍戰凋如峯已峩嶢此更垣墉狀  
郭郭昨所攻克之班凋山斯底葉安僅有戰凋此則附以牆垣寨落鬪角鈎心頗恢擴南北  
有扉兩扇拓蟻蛭蜂房羣所托以安作息歛阱獲以蕃子姓  
共熙醕引貫流泉冬不涸當時制度殊非畧寧料日久氛祲  
惡負嶠設險窮貪虐側嶺危梁聳跼莠或兩或三形勢各

北山上甚多合抗我師敢弗恪城小而固古所愕矧乃倚巖成  
聚落不勝為笑則嗟若蠱蜂有毒毋謂弱詰朝先用鎔金鑠

次丹陽陸上舍赤南炳韻四絕

年來鞍馬逐嫖姚西出峩岷路更遙一澗寒雲萬峯雪不知  
櫻筍是春朝

天涯同是作勞薪兵籍軍符積案陳莫怪江鄉無夢到八千  
里外戰場人

滄波如簟獨揚舲回首茆齋隔翠屏可是錦帆涇外權分明  
吳詠隔烟聽為恂叔題扇

柳營無侶獨蕭然毳帳風來燭影偏禹步已窮河勢轉西流  
終夜響潺湲

程魚門以詩見憶卻寄

雅雨黎風絕傲行猶煩詩札訊鷗盟簿書仍似東曹掾袴褶  
真同北府兵送雪奔雷頻霹靂連山苦霧失崢嶸蠻方只合  
工蠻語莫怪來詩久未賡

電

一日二日弗雨電雨電迺際長羸初維坤西南古雪嶺履霜  
冰至垂簪書不分秋冬暨春夏同雲變現纔須臾東皇昨者  
雖與位祝融詎敢揚彤旗阿不殷殷迴雷車玉女一笑急電  
舒冰堅澤腹陰所儲山神弗取騰空虛彈丸脫手萬弩俱宛  
宛玉粒堆槃盃盪颯瓊珮鏘檐海藏忽涌鮫客淚天宮齊  
獻摩尼珠夜光非同剡蚌殼晝響絕類將羊鬚亂飄竿橋互  
的爍急灑石屋紛模餽勻圓萬顆不可盡衛尉十拜何當如  
挾以淒風雜苦雨楚幕豈復聞嗚烏申豐有說匪失誣此間

愆伏氣更殊吾聞番人亦畊畝山田菽麥方紛敷坐見遺種  
靡錙銖撥醅何從博酪酏搏飯安得填隴耒皇天助順穢厥  
辜汝酋萬里行頭顱雨師然後來徐徐一洗兵馬寧彭盧

病中早起

西風吹鬢滿霜華歸計何心問及瓜石帚未除千幕雪松爐  
微響一瓶茶亂山層疊懸軍壘殺氣蒼茫走礮車堆按文書  
仍白了鼠肝蟲臂任生涯

隨廣庭先生馳赴南路統兵作

驚得魚通信軍殲麥壟溝雪深埋後路糧絕失先籌覆餗誠  
當罪宵衣恐塵憂

時前任大學士阿爾泰參劾總督桂林

飛旌旋卷甲踴躍

效同仇

還至雜谷腦寄升之

輾轉支離笑此身又隨大旆逐風塵千尋危棧雲間戍一簇  
孤花雪裏春聽慣哀猿渾不省終成老馬是何因裁詩慰藉  
真無益只抵頻伽餉遠人

苦竹黃蒿一路多春風未見况清和江鄉此日交芒種萬頃  
新秧綠映蓑

草堂寺

寺旁建少陵書院有像刻石

一曲花溪路曾為杜老居樓臺臨爽豁鐘梵出空虛風籟千

竿竹香雲四句書

寺有南藏經

清高遺像在

旁有遺像已刻石

憑弔一欷

榮經道中閱楊笠湖刺史

潮觀

所貽吟風閣雜曲偶

題七絕

黎風雅雨道途艱院本傳來一啓顏鐵版銅琶差快意不須

小部按雙鬟

博浪沙中未報讐西行借箸佐炎劉赤松黃石辭仙侶獨上

河潼第一樓

張子房

雲車風馬萬靈趨不怨炎天竟渡瀘緣識七擒還七縱旋師

北伐埽當塗

諸葛忠武侯

輒宴思親涕淚多盤堆紅蠟罷笙歌憑君更寫澶淵會萬隊

黃旂唱渡河

寇萊公

宦海浮沈意氣豪生平蕭瑟本風騷聽猿下淚聞雞舞又賴

新詞解鬱陶

四山雲黑雨淋漓燭跋猶開絕妙詞淪落天涯聊自遣直勝

擊筑與彈絲

芝龕諸記播淮西絲竹聲中半滑稽要下英雄千古淚鉛山  
那得竝梁溪時鉛山蔣心餘芝龕諸記亦行于世

過楚卡戎葵山色絕勝書寄曹來殷吳冲之

名山落蠻荒萬古絕吟賞未麗水經書詎來畸客訪卜居稀  
獠狔入夜但夔魁山靈豈不靈寧免色悵惘我行殊戚速屈  
此一停鞅嵐分天女眉崖擎巨人掌碧雲兜羅綿射日暈寶  
網樛樛十人圍檜枯千尋上濃綠染蒼厓新翠變黃壤鴨鵝  
集其陰麇麇得所養潺潺百道泉赴壑等修蟒奔霆軋鏗訇  
戛雪走晃朗勢急斷鯁魴地寒絕篠簜緣谿紅蓄薇頗乘夏  
氣長枝穿荆榛赭色與錦繡仿慰我羈魂愁發我幽尋想茲  
山十日遊恐未窮所往一鞭抗手辭含悽付翹仰睇後路旣  
遐瞻前渚彌枉聊攄耳目奇折簡寄吾黨

過大巖二十八韻

茲巖真橫絕如堂復如戶忽疑地維斷頓使天宇掩六扇宛  
負展千層肖刻槩蘊靈高以奇結體大且儼句倨或磬折上  
合乃脣弁龜文豐原瓦卦象凸離坎突嵌黃琉璃斜綴青齒  
蒼斑斑翟搏羽纍纍翠暈靨虎牙卓東峯蛟尾曳西崦縱橫  
開九筵遐邇接一攬回巒象障袂懸石駭垂領汎泉時滴滴  
枯蘚偶點點風露晚不到雲日曉還霽邇年方邊蠻討逆等  
伐郵攬鐳千軍停轉粟萬夫喊道長弗及舍于此和羹糝濛  
濛炊烟迷熒熒野火閃長宵來托宿弗畏夔夔魘魘陰庇欣得  
憩寢處遂忘險榮經玉屏風對此衽當歛可堪絕景奇迺爲  
窮阨貶我行魚通路陟屺劇憂感解鞍藉草坐柔卉亂蘿菘  
鉅觀溢瞳眈皆爽氣沁脾膽愚叟未可移巨靈詎能撼浯溪暨



燕然兩者媿無嫌師旋儻勒銘磨厓我猶敢

悼亾 為許驕人作 歿於京師

星橋頻歲憶星娥憶別傷離涕淚多誰料斷腸今更甚雪山

深處望銀河

信到正當七夕

娟娟涼露報新秋錦瑟年華逝水流此夕黃姑星已去他時

誰與伴牽牛

軍書訟牒正紛紜

時識大學士阿爾泰總督桂林之訟

苦報青鸞侶又分淚灑

西風迴望遠千山烽火萬山雲

白嶽黃山本世家

明文穆公之後

夙因偶得配秦嘉可堪蜀道三年

別便作優曇一現花

川西薊北道途賒歸夢長憂不到家雪嶺楓林關塞黑更從

何處度雲車

花樣團團月樣清藏鈎鬪酒毘娉婷銷魂琴畫樓中坐時聽

唐梯點屐聲

懺悔親書梵字經敲編小志寫零星

手書般若經至數十本又書水經注及放翁入

蜀記皆百餘番以為余今日識也倩誰收拾簪花格畱與香筴待汗青

胥江秋水碧于苔每得紅箋浥淚開各有傷心難自寫祇應

攜手話泉臺

長洲徐若冰有南樓詩草時已先歿

高柔聞已得賢妻在璞堂深海燕棲每讀西泠詩一卷臨風

拜月倍含悽

若冰芷齋二閨秀皆與孺人以詩筒往來今芷齋已歸侍御汪君新故云

夢中何處見珊瑚路隔秦關更漢關縱使鸞輪真可馭也知

難越萬重山

破翁古爾壟

大蹂婁仰山苦戰甲爾木虎岨堅不動蟻穴何由蹙翁古爾

壘當達烏臨河細路高盤紆師之所衝禦益固空以血肉膏  
戈及其西布勒壁千丈山根插水風雷俱東西鎗石互相守  
阻隘難攻舍已久置之死地然後生淮陰此意真堪取是時  
水殺流稍平浮橋西渡通奇兵兵分三路蟻附上霜濃月黑  
方三更前茅登者揮旗幟後隊攀藤踵而至竟升絕頂入高  
碉賊人驚覺旋誅殪上路已克中路清東山賊勢知孤惴靡  
兵直進拔其柵駭走不敢還搪撐第一厄塞一旦破歡呼動  
地如山傾嗚呼郭舟自歿三千衆今春總督桂公進兵至達  
鳥賊人守此甚堅或甚之  
從郭舟繞路以進賊  
截其後全軍皆歿每望蒼厓各哀慟皆云絕境限蠻獠誰  
肯乘危爲此弄今朝出險更長驅始覺疲兵仍可用更教大  
將酌殺尸一慰忠魂洩悲痛

### 克僧格宗

奢龍拉約已乞降單甲多功次攻克隔水遙看僧格宗層碉  
上抵烟霄直其碉依倚危厓巔一綫螺旋寧可卽茲本默藏  
居子姓分兩區給以號紙土千戶車斯垌及佳蘭圖攷厥地  
界良不小北昂俄角南達烏後拉爾丹合吞噬赤濫據此成  
負嶠大金川番名促浸亦名赤估小金川名蠻拉亦稱赤濫  
兩金川皆姓拉爾丹赤估謂居於大河濱赤濫謂居於  
小河我軍欲攻之直前未可拔維時日廿一月黑霜風刮夜  
乘皮船齊濟師潛聲毋許篙相撥三更以後傳其旁神鎗如  
電爭飛揚番人驚起力拒守別隊從西出其後兩軍合擊不  
可支麀奔鼠竄分而馳細看寨中決泉水寨前山木堆崔嵬  
乃知本意在死守出其不備終安施郎車爾宗暨斯土往往  
沙泥間斥鹵番人頗復擅熬煎將來兵食堪資取千軍呼洶  
揚旂旛千峯北望氛祲消蚌魯尺木奚足道先指美諾摧窮

巢

軍次美諾

金川肇何代列土由前明本因番僧寺遂以演化名其印刻金川寺

演化禪師東為別思蠻南為車斯垌崑州及揚塘眾建分番岷州

長官司印係洪武十一年造揚塘安撫司印係償拉所得地

不過百里羸犬牙互相錯深用防憑陵暨乎康熙初吉爾仍

歸誠封號襲舊貫異俗何庸更俾居在占固卵育衍其生赤

佔與同祖助惡資吞併虺蛇暗盤結欲作掉尾鯨新遷營美

諾異志潛抽萌豺狼復生獠牙爪矜鋒刃遂圍鄂克什氣已

無木坪湯湯甲楚渡漉血波濤腥嶢嶢巴朗拉殺氣雲烟橫

我皇赫斯怒兩路揚雄兵參贊信雄武轉敗功旋成長

驅歷要隘虎穴倏以傾迢遙蒙固橋亦見相國旌時温公已拜大學士

百軍驟會合埃火排崢嶸吁嗟此絕險自古訖未經高碣聳

百仞仄嶺縈千層達烏暨甲木美美連龍登是皆一夫當萬

眾無由升苦戰必閱月始能開一程埽除經匝歲額手憑

威稜崩角數千眾幸澤威雷霆仰眺井鬼間天日開光晶蚩

尤不敢動叵采森長庚西南諸土司自茲心骨驚疾風捲舊

巢焉能固重局會窮弗夷駮速即藁街刑

美篤寺

岩嵒美諾寨寨後峯如簇厥寺更巍然厥名曰美篤巖事者

喇嘛云本出天竺非黃亦非紅喇嘛有黃紅二教以衣帽為別白教世未矚

祖堂達爾黨達爾黨地名在西藏之後世傳在窮谷有布魯思古梵行眾

所服其胡畢爾漢神魂之謂轉輪每來復其經達思拉誦之可禳

福其佛色丹巴尊與瞿曇屬其眾盡獷悍其術悉陰毒番僧

愚且頑崇信等尸祝層樓三重高寶網四阿蹙畫壁所見稀  
猙獰千手目纍纍懸髑髏森森橫劍韜憶昔四天王護法願  
已熟臂或擎日月身乃乘獅鹿警茲行道入清修倍齋遯禦  
彼波旬徒幻化免撓觸何期變本初遂作天魔族嗚呼西方  
理清淨斷六欲其衣尚壞色其食僅齋粥頗怪達賴徒衣帛  
兼食肉加以演揲教祕戲佐淫瀆何況奔布爾像設示誅戮  
睚眦起詛咒鬪爭助奔逐鈴鐸仍鏗鏘相欄互起伏旁行四  
句書亦用銀泥錄曩宋莎羅奔土司適子出家曰莎羅出家  
擅利祿曠習發交衝併吞漸成俗奇衰終無效殺機久逾蓄  
因致絕微人膏血塗草木真當聚而殲焚廬詎為足癸巳冬是寺果

為官兵所機

春融堂集卷十三終

春融堂集卷十四

青浦 王昶 德甫

勞歌集

癸巳乙未

甲午

元旦鄧生進討

何知今日是元正息鼓銜枚近五更雪上鬚眉寒有色冰凝  
脣舌噤無聲令嚴誰敢爭先後路險安能卜死生待得日高  
謀蓐食前茅又指第三程古人行兵五十里為一舍是日行一百五十里  
四月十五日大雪

又遇長嬴日還看雪電零稍分殺氣黑全沒亂峯青雷電同  
飄瞥蛟龍動杳冥擁爐寒料峭何處索銀瓶

移師至翁古爾壟作

大學士溫公之兵潰于木果木美諾亦失賊人并力窺當噶山

故副將軍退兵于此

橫雲却月一時收左次何當缺斧鉞楚國亡援真足恨塞翁  
失馬亦須愁余有馬牧于色木則賊至為鎗所斃全師豈直為中策得地仍能  
控上游從古苗民多逆命誰同伯翳贊良謀

馳傳過清溪得沖之學使手書兼詩見憶讀已雪涕

於逆旅主人索破紙倚馬背次而和之時奉旨命廣庭先生

馳往西路收木果木餘兵別籌進討

絕塞飄零不記旬勞君款曲溯窮塵久因烽火淹青幕忍向

雲霄憶紫圍雪嶺天炎冰塞徑七月十六日過大礮山諸峯積雪如玉笋且有雪花飄灑

繩橋雨漲水連津年來髀肉都消盡六見迎秋六餞春

昨聞上將隕蝥弧棄甲空餘十萬夫插羽再看馳曠騎時糧

合議弛刑徒軍鋒齊泮風胡劍民力先陳鄭俠圖何日洗兵

江灌上更煩文教暨蠻區

千山窅翠虎牙同礮雨聲中記首功潦倒已慚青瑣客衰遲

久作白頭翁故人藏血經秋碧新鬼飛燐入夜紅慟哭飢烏

銜肉地九原何路寄郵筒謂鑑南升之諸君俱歿于兵亂

慘切長如素女絃老親書札枉頻傳百年豈暇為身後萬事

難堪是眼前客久愁腸先已斷山遙歸夢併難圓裏屍馬草

尋常事寄語休嗤作計偏

聞陸健男改官侍讀奉寄

十年譽望著明光果看恩綸出上方簪筆已參周內史

趨班仍攝漢中郎紫微芒動詞初進黃絹書封夜未央同是

西清同儗直獨憐烽燹滯危疆

蟋蟀

在野頻遷地經時每易名秋高分殺氣夜靜軫哀情江國長

此別蠻方鬱鬪爭睡餘思起舞渾擬怒蛙鳴

功插

烽火連天往事空又勞叱馭過魚通身臨萬仞松梢上馬出

千盤石劍中遺杖恐教同夸父時秋暑甚熱棄繻何事效終童卻

奇晴雪晴雲裏榭榭高林挂彩虹

將之西路道出成都南明留宿官齋縷陳近事並悼

升之鑑南家太守丹辰日杏三君

憶別三秋晚重逢半載過江山仍錦里風露接銀河七夕後一日

衿袖黃塵涅容顏白髮多此生真似葉隨分逐流波

投机終何益銜鬚豈自戕空聞移壁壘溫相國於木果木駐營距山巔賊碣稍遠

繼聞副都統春林送箭來營且時師遂移營向前頗失地利故為所乘重見出機槍雪嶺埋京

觀雲旗擁國殤木果木登春諸處文武死事者甚衆蓬婆連失守何以邊蠻方

文采人爭羨刀兵運忽屯艱危惟汝共悲痛與誰論遽歿蠻

奴手聊酬國士恩相國遇諸從事于升之最厚故人慚後死翦紙為招魂

疑醉還疑夢驚呼鴈失羣一麾曾出守丹辰以戶部郎中出為貴州銅仁府知府

三黜更從軍援鶴嗟初化龍蛇驗昔聞今歲在巳窮山暴骨處無

計瘞孤墳

應歷華嚴劫偏教蜀道行歸元知未得薄宦竟何成鑑南由戶部主

事選湖南岳州知州未至而丁憂今書札頗思我干戈肯愛以

生瘞門驚覆醢老淚一時傾鑑南余巳卯

又逐千軍去難為一日留峩峩連殺氣巴蜀弊軍籌赤羽書

仍急青燐血未收惟餘老兄弟翦燭慟應劉

桃門驛和沈莘田太守清任韻五首

沙蟲援鶴未分明循誦新詩倍愴情河外一軍亡傅燮鄴中

七子失劉楨衰年久已傷哀樂戰地安能定死生幾度相思  
畏相見如何血淚一齊傾

絕域方期飲月支旄頭何竟拂軍麾莽蜂有毒言終驗班馬  
無聲事屢危雲罨箐林啼蜀魄山迴冰雪瘞殺尸鬼方端俟  
三年克利涉分明兆卜著廣庭先生將赴四川著得願之上九利涉大川占者以為克大金川

兆之

颯沓層厓動梗楠青城山外晚停驂秋兼殺氣寒偏早雨挾  
江聲響更酣壯不如人今已老樹猶似此我何堪玉關生入  
渾難料空向西風拂劍鐔

丁零絕塞不逢辰空作瞻雲陟岷人有子已成長戍客無繇  
誰奉久衰親刀兵並擾慈萱夢枕簟難酬寸草春縱使平安  
書屢報開緘知已淚盈巾

井鉞參旗動 紫閣重教上將統軍屯

時有旨令廣庭先生以定西將軍赴西

路總統

莫愁窳窳雄荒徼自有熊羆出

禁門閭外旌幢新

拜 命師中部曲舊承恩煩君更畫平蠻策先戮防風慰怒  
魂

### 瓦寺道中

又度繩橋第一程翠屏如畫鬪崢嶸懸厓怪樹畱題句

余前冬過

此有絕澗風雷寒不歇鏡天冰雪畫長霾之句刻於樹上今驗之猶存

夾道番兒指姓名奮臂

何由擒醜虜拊心先計惜疲氓千山搖落秋風裏腸斷蠻江  
作雪傾

### 再過斑斕山

寒雲高與陣雲浮萬刃攢空石筍稠無復心情隨越鳥不堪  
喘息似吳牛戰場曾記畱三宿瘞骨誰知共一邱

辛卯十一月克班斕

令求前次陣亡怪絕數峯濃雪裏山雷如礮殷清秋

將士骨合瘞之喜官軍收復美諾

水底委蛇纔詰屈倏化狂鯨肆奔突官軍已次日隆關誰料

長驅張撻伐是時初集陝楚兵火器健銳來京營秋高士厲

議再進道旁築室紛誼爭或云宜向南山走始能直出美諾

後或云中路尙可由堂堂正正仍前籌木塔爾小金川頭目先來歸順者

言此非計南山不如北山利南山陰翳北高空第克三峯事

已濟謂碩藏噶阿卜爾布理及斯達拉越別思蠻斷右臂美諾居中安所恃

將軍擲帽忽色喜是番之言良有以更計先掀美美橋橋東

寨路皆已矣亥月廿九五鼓餘奪橋之兵爭風趨北山諸峯

亦克獲中路守賊歸而逋色渠東瑪皆橋東寨落名已寂寞一麾渡

澗登兜烏登達占固再服屬諸道軍鋒如破竹醜徒跂跂走

金川一旬僭拉全收復嗚呼古來用兵審大勢一節一枝寧

足擬胷中全局斷乃成批卻導窾皆披靡憶昔造攻自斑爛

數日續得斯當安資里沃日動數月窮轟狼鬪嗟艱頑何況

木果木變後遺以兵仗多於山兩酋合力作輸守安得一舉

凌巘岼乃知名將詢神授此言此計何從看

寄彭觀察樂齋端淑

鞞刀幾度肅軍裝未暇搢衣謁講堂問齒真宜先一飯論文

更自遜三長西京耆宿推轅固北地經師重馬光何日巴山

聽夜雨焚枯酌醴話行藏時為錦江院長

五十生日

彈指韶光又十年亂山殘雪困華顛休將大衍占來日待得

知非感逝川唱和何人嗟宿草往年余與升之生日必作詩往返酬和生涯猶



自托戎旃玉溪錦瑟真成識常寄愁心與杜鵑

勝算今年似去年宵來下令東囊韃風饕雪虐三更盡泥滑

崖高一綫懸嚮導屢疑番卒誤催行頻聽後軍傳臨深履薄

何容計爭指前山賊壘堅

攻克羅博瓦四峯作

山橫十里弼九座喇穆巖不可過偏師忽指此山偏出奇

絕險須臾破奇峯削劣登古名前羅博瓦尤崢嶸四峯相次

賊門戶峯峯刀槩攢青冥將軍愁絕計忽發先令虎臣海蘭

察第二三峯汝往攻佐汝以攻額與達

謂護軍統領額森是特侍衛達蘭泰

日天凍風如刀緣崖積雪一丈高軍未及登已早覺舉鎗投

奔何嗚哮自上下下衆不動持滿而迎射軌洞豕突狼顧躅

且奔乘勢飛追躡其踵別隊紆道穿林躋所據與賊地勢齊

兩軍合擊呼動地兩峯連克無留稽其第四峯亦席捲餘第

一峯尙未翦領隊普爾普圍之火器騰空盡焚燹懸其首級

陳其俘取其器械充軍須剗羊醜酒饗將士更掃喇穆清前

途

瓦角曉望

連朝濃霧罨高旻巨礮如雷隔嶺聞雨霽猶留千嶂雪風寒

先凍一溝雲深林點點盤雅陣芳草茸茸散馬羣計日新晴

爭采入捷書先慰

九重殷

羅博瓦道中

炙轂塗泥滑攢刀石角分泉聲千壑雨霧氣四山雲嘶馬驕

還躍嘯鳥遠漸聞兵鋒乘破竹又擬進前軍

晨過喇穆至羅博瓦周視形勢有作

登嶺苦霧塞過嶺陰霾空金鴉浴夜雨已射西巖東劃然亂  
雲底衆壑分窅隆綠者灌莽積蒼者寒煙封其白綴殘雪其  
青蔭長松孤花霜凌餘黃紫兼蕙紅暗泉不可睹觸石聞琤  
琮憶昨晚過此天地忽改容迅霆破萬鼓急雹彈干弓疲馬  
毛尾豎回首嘶狂風今晨喜曉霽無復塗泥融惟餘寒料峭  
賴此衣裘重

谷噶山勢橫如牆繚且曲其前復一重番言號喇穆縱為羅  
博瓦四峯作蠶簇第四峯忽變似人跂其足一屏劇嶙峋萬  
馬盡拳跼下湫水深青傳有乖龍伏蠻奴偶犯之雷雹輒相  
逐峯盡勢徐下堆阜尙出縮中有色湖普隆然五碕轟週遮  
柵巨材弗畏金礮觸我望凱立山副將軍豐盛額駐此旌竿儼連續日

旁隱寒雲亦見堠火煜重岡俯奔川危巢竟在目春莖花稀  
疎小麥穗黃熟農功不迨收賊勢知日威誓將一鼓登早取  
專車僇

谷噶

天半旌旗列成營窮荒風景迴難名引雷電忽緣帷過釀雨  
雲爭傍鳥生不見裸蟲因物化偶看藥卉應時榮雪葭渡口  
秧針綠此日扶犁正課耕

五日

頻歲烽煙討不庭殊方節物感重經峯浮殺氣雲常黑雪壓  
薰風草半青奮地雄雷疑巨礮連天堠火亂繁星一身衰病  
干戈在五日冰霜涕淚零

卽事

四山雲霧畫茫茫暑雨猶然變雪霜  
火未能移節氣蚩尤已落損光芒  
蒼頭奮擊雄師集鉤援臨衝戰陣張  
時甘肅貴州兵至而  
京城火器營雲梯諸物亦到  
聞說故人乘傳至好將勝兆達  
瑤閩侍郎  
遷谷守侗姜郎中  
光字傳旨來營

赴色湖普有作

雞鳴蓐食曉蒼蒼遙指濃雲是戰場  
此日定當窮鼠技諸軍久欲奮龍驤  
明星影拂靈湫水清露寒凝暑月霜  
捷奏不須誇送喜尙煩司馬察瘡傷

官軍下日則

礮雲未動陣雲高喜聽前鋒鏜賊壕  
小醜已難容喘息同人何用更號咷  
濃煙挾火驚焚砦急雨隨雷助洗刀  
明日更當乘勝入博桑弓影不須爇

六月初二日雷雪

一聲兩聲雷迅烈千片萬片雪飄瞥  
紫電如虹數道來烏雲黑霧時明滅  
空際惟聞風嘯號眼前忽失峯凹凸  
豈惟廬帳懼簸揚直恐營牆旋毀裂  
怪事荒唐夙未經祇神鬼伯爭奇譎  
得毋愚叟欲移山或擬乖龍將出穴  
萬馬羣嘶尾鬣卷平聲千夫瘁際旗槍折  
蒼皇相叩此何時已是林鍾初應節  
晚景何當變晦明炎天頓覺殊寒熱  
滅竈幾無餐可傳燎衣猶仗柴堪蒸  
須臾雷止雪亦收新月半弦清欲徹

六月初三日雪

暑已當三伏寒終凝六花希聲仍颯颯  
空色尙斜斜敢怨龍公虐長教虎士嗟  
擁鑪如餞歲滿幕是霜華

曉行

千峯埃火曉無光起聽收更鼓角長殘雪欲消三伏暑餘花  
猶被五更霜皮絃番部淒涼調鈴蓋天魔祕密妝時德爾格  
特番僧布  
薩軍壘巒陬風景異幾時拋却綠沈槍

### 克喇穆

二十二日月季夏進取喇穆分官兵茲山東西雖可上均有  
石卡連木城護以垣墉及堆坑醜徒戢戢潛而偵屢剿其壘  
弗克登惟中兩峯聳然起南北兩面同削成戢之必從羅博  
瓦下溪再上緣崢嶸援彘及此尙躑躅豈料人力工飛騰攻  
其不備首尾斷妖獯何地容塘撐聲東擊西各部署中權六  
百抽其英其時四更月乃明乘黑先已穿柝檉于尋滑壁徑  
本絕樹槎石角紛縱橫以手援手手捧足鱗集礮下嚴無聲  
月高別隊前後起火鎗金礮聲鏗訇賊人叫呀分拒迎

誰覺奇兵升拔刀突上超躍入鯨鯢盡戮無留形夷葦下投  
兩木柵赤燄勢掩朝霞顏諸蕃望見心膽裂欲潰而出圍層  
層黑雲忽起澍雨降對面不見峯峻嶒諸軍冒雨攻益急賊  
乘以竄如蹢躅邀而擊之血於礮數獲器物難方程風吹劍  
槩血氣腥番君蠻長賀且驚此猶神鬼猶雷霆從茲下取色  
湖普壓卵形勢無留停移營回首望喇穆雙火天半攙青冥  
克色湖普

從羅博瓦下透迤山勢將盡分兩支一為該布達什諾一色  
湖普咸嶮巖番壁于上勢甚犖我軍擊之浩呼洵或用噴筒  
或火彈迸落其中傷者衆迺復環柵開深濠柵上置版厚且  
牢石礮石卡互聯絡三面鎗礮如風颺七月廿一秋雪霽熟  
計凶頑堅且銳力摧肉薄徒爾為必絕其後斯能濟先令都

春風堂集卷一四  
統越左攻厥醜全集紛來衝極其頭目摧其鋒其麓本屬耕  
稼地投以炎火乘融風窮殲苦鬪矢欲盡引出姑與前軍通  
風雨收兵日色盡事機一失奚由振護軍參領額森從右行  
穿林繞礮偏奮迅且行且戰上危梁亦焚聚落成灰燼遂揮  
別隊連宵馳昨所未剉重截之麋奔豕突半僵斃分師侵掠  
無留遺茲山自從谷噶上下至此間始一放遜克爾宗在眼  
前俛視塵居懸指掌歎愁番地干嶮岼尺峯寸地皆艱難榮  
噶爾博作負展界以湍水流淙潺諸軍乘勝信雄武尙勿輕  
此一簣山

覽遜克爾宗賊礮作

堅礮非堅堅乃心番心忍悍甘幽深壘石作屋當高岑浚濠  
三面暨十尋細卡點綴侔橫參大師攻之羆虎臨有奔聲似  
雄雷音有鎗影似流星沈不畏血肉膏刀鐔礮傾卡塌摧寄  
嵌入于坎窞誰爲禁沿濠駕木齊著簪仍以孔穴覘凌侵自  
穴出擊工酌斟經旬雪冶兼雨霑窟室滲漏成淵潄番也處  
是猶衽衾濕疾無患跛與瘖粉糜寧俟漑釜驚口實卒殫求  
諸林木芽野卉同所歆其人獷詐毛而黔有時叫嘯魑魅吟  
一綫可據來駸駸至死弗變肯獻琛我軍飲食調陽陰與此  
爲敵何以任薙之弗懼迪弗謀安能格以虞階琴非然夫豈  
好斧礮戕其醜類如斃禽

喇穆及登古之北爲達爾札克循山梁而下爲日爾  
巴當噶直遜克爾宗之北又下爲墨格爾又下爲羅  
博瓦鄂博總名凱立葉至是則橫截作固頂滅金嶺  
及勒烏圍中間下賊巢道路最捷故本年正月分兵

萬餘於此進取而賊據達爾札克久不得進及西路  
兵至遜克爾宗兩月餘賊亦慮乘隙上此山因於日  
爾巴修築礮卡不期我兵從墨格爾上也十月十七  
日由墨格爾據密拉噶拉木二十一日克達爾沙朗  
日爾巴當噶遂與達爾札克兵會合云

仰攻既不易俯攻亦良難不見遜克爾三月稽平蠻俯攻既  
良難仰攻或轉易不見墨格爾寒空立旗幟此嶺迴合倚高  
穹榮噶爾博一氣通萬層枯栢人迹絕千古雪霰山靈封鳴  
呼我兵信勇決飛騰不管蒼厓裂月黑風嚴虎豹藏蟻盤後  
挂登山缺道逢三礮附其巔燿其寨落光燭天下掃羅博瓦  
鄂博奔霆所至無餘堅賊知此險去巢亦不可據嘯呼數千  
指爪角爭扞禦神鎗如星毒矢注桀石揮刀死無懼我兵不

動猶堅城黃昏拗鬪迨五更賊散復聚聚復散殲其頭目連  
鯢鯨遂駐密拉噶拉木撻金伐鼓朝移營此間地勢殊開朗  
高低邱隴多膏壤天晴雲日發光晶迴眺諸峯神威爽喇穆  
橫嶂眞雄哉登古以北紛崔巍達爾札克莫爾敏兩地名兩峯  
積玉青冥開下爲凱立亘百里神龍掉尾臨江隈賊亦料我  
必越此修日爾巴謂可恃何圖出險更出奇阨塞一重今克  
矣是路逕捷無與同去臘議用偏師攻豈知一駐閱十月寸  
步弗克乘其墉只今番衆已恇怯更令熊羆往會台中宵烽  
火忽連山小校如風來報捷

從格魯古盡克滅金嶺作魯頂

滅金之嶺通丹壩上連作魯如龍馬當時岳公將萬衆坐逼  
堅礮困其下我軍今已穿心胷批窾自可收全功沿溪欲截

不可截有達斯札寨當要衝諦觀達斯札右為格魯古其前瞰大江其上通作魯箐林蒙復密厓礪高更阻麾衆潛而登  
人人互踵武天明未明登石梁羣醜奔突來披猖懸厓撒手  
轉死鬪應絃霹靂誰能當侍衛薩爾古岱督兵力射殪斃無數賊乃竄去一克當噶  
海格替亦瓦解其餘上下百十寨悉猶颺捲波濤灑是時丹  
壩兵久駐揚麾旌巍哉高嶺弗可上隔嶺忽見傳烽明撲龍  
瑪讓乘勝取番境東北同時傾千軍四面謹聲動巖壑槎枒  
應呼洶鼓行從搗勒烏圍么磨安得泥丸壅

克空薩爾

榮噶爾博山厥麓別四支中曰冷角寺南曰勒烏圍北木思  
工噶蜿蜒底江麋又北空薩爾攬捫連尻雕蠻方類習坎跬  
步靡平夷一重苟設守坐卻千熊罷掩吉達甲布雖克空爾

為敵頑衆轉怒地險謀偏奇剗羊歆益血畢志攻艱危礪外  
既有柵柵外溝環之溝外復鹿角株櫛爭參差嗟我刀斧手  
捷足穿疾藜再前度重壕鎗石已不訾橫身擲火彈揮霍星  
芒馳猿臂工仰射一一皆麗龜前者嘯而登迴手揚旌麾後  
者接踵上作勢疑拚飛驟如江河湧烈若雷霆威十盪更十  
決小醜奚能擋五礪連屬處有隧藏路蹊黝然繚而曲架木  
排柝柵奔騰忽以塌投葦供焚熾神焦鬼並爛燔灼成菹蕪  
其餘墜巖壑膏血懸荆茨三日更三夜斬刈窮鯨鯢斯舉實  
雄快席捲風帆移危巢一撮土豈俟天戈揮老夫衰久病消  
渴枯心脾今宵正上元雪兔分豪釐燒燈再磨盾逸氣橫髯  
眉坐聽萬衆懽侑我傾玻瓈先是將軍酒禁甚嚴自通  
望北路官軍攻克宜喜二十六韻

宜喜真天險頻年此力攻峯巒橫境北窟穴限河東鄰界周

搜接危厓甲索通道途從昔峻西北為周搜西南為甲索皆

乾隆十三年分日旁甲索俄坡三係促浸與緝斯甲布接壤處

路進攻俄坡即屬宜喜俱未得利礮寨幾時空積雪經春白

傳烽入夜紅磨牙騰豹袖手坐熊牽綴先名將三十七年上

命參贊率兵駐此以牽綴危疑賴上公三十八年六月相國

促浸助贊拉抗拒之力溫公之師潰于木果

木時已命參贊駐此撫縱能制豕突何以闢蠶叢地勢寒空

馭緝斯甲布得以不動外神機想像中

西路官兵駐密拉噶拉木隔河望宜喜形勢

新軍馳羽檄時新調四川兵三千又調南路兵

四時新調四川兵三千均赴宜喜以助兵力密策寄郵筒

覓間人誰料乘瑕計獨工一朝凌翠律再舉破鴻濛上年六月將軍

屬參贊從南路移師攻宜銳卒皆酣戰奇兵早建功刀鍊光

喜已克七礮至是盡克之掣電旌旆飽帆風舉礮濃煙合焚巢烈焰烘連天鳴箭箬匪

地走學量競舞凝霜劍齊彎挂月弓凶墓腸肚剖猛虎爪牙

窮乘勝鋒芒銳長驅氣槩雄緣溪窮坎窞循壟刈蕢燹壁壘

迎初日橋梁挂彩虹於得式梯茹寨造索已欣人共奮何慮

事難終坐鎮資陶侃摧堅倚祭彤時參贊海蘭察率西尸多

陳貳負俘定獲三腰輓粟行程近先是軍儲由楸底經卓克

綽斯甲布境內然後達宜喜今西北兩路已通糧飛書奏凱

備從西路轉輸北路十餘站悉撤所省運費無算

同平蠻須大計方畧誦元戎

官兵下木思工噶遂克噶爾丹寺

番山一幹區數支一支上下仍多岐其間或凹或凸起或拳

而縮張而垂番人于斯善審勢木城石屋隨其宜木思工噶

更嶮巖峯巒呀處為通達旁轟兩阜生屣屣耽耽守此吁艱

危大師攻之兩閱月計弗出奇不可越相厥右阜巴木通首

寇三礮高嶽業礮外齊將列柵環虞我雄兵驟衝突火龍鱗



甲化鉛丸神鎗直貫千重鐵偉哉猛將國與曹揮刀直上凌  
重濠萬眾隨湧同奔潮一柵忽開別礮潰剗其餘壘迴風颺  
七峯悉已懸旌旃惟得式梯臨江皋噶爾丹寺禩神驕督兵  
再下搢左腋夜深雨黑紛潛逃夾河萬竈炊煙飄烝徒駢圍  
互叫囂計日破竹摧危巢獨憐國也中鎗卒空荷萬里 頌  
香包 國典 人貴州副將捷書上時正值午日 國君之  
父名士豪其亡先以創于腰兩世死事堪永號自從絕徼纏  
烽燧刀途血路寧勝計止誇奇險出奇功安知肝腦爭塗地  
壯夫烈士過茲山淚灑平蕪一酸鼻

恭和

御製賜將軍詩畫扇原韻

一函松篴

御仙豪

頌賜將隨節鉞操稽首又瞻

宸藻

麗同心深感

聖言褒

後幅

御筆書蘭 叢題云二人同心其利斷金同心之言其臭如蘭

揮塵永使邊隅靖握策寧愁眾論撓軍檄已馳三捷喜宵衣  
端慰 九重勞卽看人 觀依官扇宛見披香侍 袞袍指  
日紫光頌賞處 薰風和暢更頻叨

再和前韻呈定西將軍

天生名世領羣豪決策常符 睿算操文武勲名推吉甫中  
和樂職媿王褒欣看罷虎爭騰奮坐視鯨鯢久屈撓計等用  
棋工轉敗 墨壘滿被挫後將軍至南路不數月即破翁古爾  
壘進掃美諾木果木潰後將軍至西路統兵再進  
數日而 恩深挾纊其忘勞聲靈今已威魑結燕喜將期解  
戰袍聞說郊臺先築就懸知 湛露許同叨

醉後大雷雨醒而書所夢

向暮雨纖纖入夜雪簌簌先生草檄倦頭欲屏風觸何人肯  
好事貺我芳醪綠三瓊纔入口一笑自捫腹青燈耿將殘黑

甜倏而熟六丁知我醉風雷護牀足阿香搖不醒夢入瑤臺  
曲橫空新宮銘金書眩巖谷生平長虹氣塵土困跼促遂乞  
帝臺漿手控丹山鹿徑思拔鯨牙遠與鯤鵬逐釣天樂鴻綱  
香海波蹋蹴營魂忽驚回翰音早咿喔起眺上將星芒共長  
庚屬雨工竟何歸想作羣羊牧

朱明府梓見示帳房詩頗工次韻

壁門羅列儼星塵數幅偏能護夜眠新製正同虛白室上層  
遠稱蔚藍天棲鳥噉罷人初靜養蠶行時舍屢遷山谷詩太常供帳養  
武回憶帷宮旁設處屬車違侍已多年

卽事

紋紗宛似小窗扉斜倚烏龍羽檄稀西日欲烘殘雪盡東風  
爭送亂雲歸夾河列戍開烽火時北路官兵從宜喜而下沿河分列營壘傍嶺新

軍擁纛旗時陝西甘肅貴州兵六千餘新至屈指凱歌應漸近歸鞍正拂柳

依依

六月十九日

山椒作雨山頭雪脚底驚雷山欲裂如墨濃雲潑面來電光  
一線從中掣似同巨礮鬪神威却與昨朝湔戰血西峯忽見  
掩金烏東嶺猶看挂雌蜺飛電寧容雕鶚藏回颺半覺杉楮  
折橫空積霧晦東西轉瞬嚴寒變炎熱天識詩人例選懦故  
教絕景供饗養直疑大壑起蛟螭俯視塵寰信蠓蟻黃昏開  
霽月徐生隱約南箕仍翕舌

七月十六日雨

北風催雨雨催雹颯沓緣坡萬顆俱絕似江鄉花港裏青荷  
蓋上亂跳珠

虹影彎環雨脚橫黑雲如墨冒崢嶸河西轉見千峯翠兼有紅霞數縷明

老夫雪嶺三年過毳帳常披五月裘不耐者番秋暑劇愛看風雨作新秋

神鎗聲與殷雷接此景尋常未許同雨勢欲停雲影破半看清月上天東

聞蟬

萬古無人草樹荒蕭蕭作意報新涼數年不聽秋蟬語

如滇之老官屯永昌騰越蜀之達烏谷鳴皆無蟬腸斷西風送夕陽

秋霞幻麗詩以賦之

赤日將落尙未落黑雲半天來翳之陽烏道迫光下射百道並列西南陲依稀睢渙漾絺繡恍惚錦水浮漣漪忽黃忽紅

鮮定態亦紫亦碧皆呈姿或如青鸞振厥羽或似赤鯁揚其鬣重輪重光詎足擬五采五色疇能施舉頭祇困目光暈遠眺彌覺心神怡當前妙景不可道善畫誰得窮豪釐晚霞江上已叫絕況在山豕高厓巖或云夜半雷駛雨野田亢旱須淋漓或云秋暑尙饋熾炙背竊恐來晨曦或云此地邇佛土交光寶網由峩峩我非保章稔天道但詫造化輪恢奇山靈知我行路苦迺獻絕景娛孤羈涼颺忽來散萬縷殘陽已覺臨崦嵫蒼蒼涼涼暝色起又見顧兔升雲達

九月十七日

秋樹青紅望不分數聲嘯鳥隔煙聞雨餘曉色真清絕半嶺初陽半嶺雲

再送徐同知袖東

春融堂集卷十四  
衣茸帽結行裝話別東歸淚數行邊騎嘶風真慷慨賓鴻  
咽雨助淒涼試看華髮人將老遙指蒼溪路正長差喜經年  
勞勤後官齋清暇樂秋光

番人獻一禽高三尺餘長二之一其翎白與澹紅澹  
綠相間體輕而毛細或曰此鸞也飼之米不食數日  
而殞

依稀五色似歸昌風調翛然淺澹妝可是玉壺人世少又隨  
蕭史上瑤閭

春融堂集卷十四終

春融堂集卷十五

青浦 王昶 德甫

杏花春雨書齋集

丁酉 丙申

克塲喇依即喇賊巢獻俘奏凱紀事

四面雄師喙走難蒺藜樞柅巨層巒芻糧已竭山泉斷礮石  
頻摧窟室殘尺組羣看擒頡利稟街定擬斬樓蘭餘黎仍俾  
安耕鑿始識 天朝雨露寬

列營清曉振鳴鼉無復烽煙遶澗阿旗幟連雲歸翰墨

時 繪

金川戰圖笳簫動地演饒歌石碣剜燬耕鋤便鐵索安閒襁

負多七十二番通衛藏蕩平從此戢干戈

捷書夜奏 未央宮錫爵酌勳禮數隆五色蟠龍紅抱日雙  
翎孔雀翠迎風篚筐絡繹馳中使 綸綍輝煌冊上公一德

君臣承廟算斷金洵與畫蘭同

分起貔貅振旅旋維關瓦寺仲春天魚龍十隊供宵戲雞犬  
千村盡晝眠柳浪初晴聞鼓角麥風乍暖拂橐韃須知忠勇  
邀天佑吉語還徵大有年是日得批蜀中二麥清蔥春收  
豐稔摺奉旨是皆汝等忠勇所  
也致

汝川道中望青城山

名山天下共有八五在中夏三巒荒崕山東來走千里青城  
特起峯巒長五岳丈人帝所命衡恆泰華相低昂靈峯六六  
洞八十高臺太乙疇能詳羣尊來朝歛隱見端冕指笏繇瑤  
閭彤幢絳節互出沒雲裾霞珮時翱翔神靈來去莫究詰但  
見簾泉百道飛山陽昔讀洞天福地記夢中每欲驂鸞鳳天  
彭井絡豈易到側身西跂徒徬徨往年領軍曾過此仰見突

兀摩穹蒼其時元冥方屆節風雨冰雪嗟其雋千巖萬壑勢  
難越安得躡躡還褰裳仙靈撫掌應笑我凡情俗骨難飛揚  
方今西師已大捷橐弓捲甲歸龍驤雷霆遠震懾烏泝雨露  
旁暨通狼臙回軍還過是山麓青雲干呂升初暘飛樓連榭  
宛可覩貞松古檜遙成行惟緣郊勞屆期日豈敢跋涉窮  
仙鄉我聞長生此修道千人輕舉朝虛皇闐風元圃絕塵世  
方壺圓嶠迴重洋仙人吹笛跨黃鶴老子攜杖驅青羊彼多  
遇也此入境悔不雀躍從雲鏘徘徊申旦不能寐起視丹火  
森光芒天晴時山中夜間常有火  
影土人云此丹鑪火也

吳學使冲之杜方伯凝臺玉林曹員外秋漁煜楊刺

史笠湖餞別松茂官舍并懷恂叔

松州高館綺筵張凱樂聲喧奏白狼中禁昔同裁鳳詔謂

之大羅憶共詠霓裳謂疑依依雪後攀村柳冉冉花開戀海  
棠回首升菴人更遠悔叔時奉檄在三果羅未見相思夢繞碧雞坊

發成都

高牙大纛捲雲蜺正值春晴驛路泥萬隊軍裝紅鞵韜千山  
凱唱白銅鞮浣花婦女歡清宴錦水賓朋惜解攜從此秦關  
兼蜀棧回鞭尚指劍鋒西

過梓潼文昌宮

九曲神靈異千秋祀典詳人間尊孝友天上煥文章映月寒  
無暈穿雲夜有芒端宜偕吉甫豈合夢姚萇陰隲殊堪信科  
名莫易量化書存法解司命慎行藏際此蠻氛定徐看德教  
彰揭來斜照裏稽首薦馨香

謁諸葛忠武侯祠

玉座靈旗閣殿開綸巾羽扇見清裁早籌炎漢三分業寧嬈  
當塗十倍才八百株桑傳世澤二千尺柏蔭香臺錦官舊蹟  
都銷歇還有遺民涕淚哀

劍關

昨宿昭化縣今過大劍山關門據梁益其頂齊雲煙色黯積  
鏐鐵峯銳倅戈鋌西排踰百里猿鳥愁騰騫其東臨大壑壁  
立窮澗淵樛森松栝暗慘澹蛟螭蟠石欹危緣足徑仄愁摩  
肩一夫苟荷戟萬眾嗟重趼所以張孟陽勒銘發悲歎茲來  
太平久阨塞齊雕鐫弓刀聽戛擊鼓角聞喧闐旌旗出復沒  
躍馬皆安便寄語奸雄輩慎勿思泥丸

寧羌州

寧羌隘而瘠其地實要衝南為巴蜀道北行入秦中其西接

漢河山勢爭龍從秦楚既互據劉曹亦交攻地利苟不悉何  
以成霸功我來憩傳舍日昃輪微紅洗兵雨又至黑霧連長  
空偶聞虎豹嘯恐有魍魎逢荆榛冑門戶沙礫堆牆墉自古  
鏖戰地怪變何能窮須臾風霾盡新月懸高松俯仰念豪傑  
豁達開心胸

定軍山望諸葛忠武侯墓

山水盤高塚風雲相霸圖臥龍神尚在石馬夜常趨一德追  
伊呂三分限魏吳英雄千古恨霑灑遍蒼蕪

漢中

雍益千里餘南鄭扼孔道煙雲雜明晦岡嶺更環抱櫛比聯  
市鄠崇墉富稷稻厥土多膏腴收穫免旱澇贍財而厲兵雲  
雷應天造非惟制三秦兼可抗八表龍準先開基豫州承大

寶堂堂諸葛公威靈申義討統兵向洛陽河朔定風掃志大  
未逢時將星貫穹昊千秋王霸人憑弔心如擣我從金牛來  
中原睇韓趙地險真可恃胡然任雲擾乃知遇庸臣關輔遂  
難保茲行際春和風日喜晴曉懷古亦奚爲臨風散憂悄

鳳嶺

早度柴關危晚見鳳嶺曠雲山奇不了到眼但悲壯松偃蛟  
龍形石拏虎豹狀商洛渺人煙褒斜屹屏嶂一髮瞰中原坤  
輿信浩蕩我聞周籙興鸞鳳此引吭梧桐亦葦萋卜年兆無  
量今茲慶又安烽煙息邊障歸昌行婆娑雖啣發高唱

過畫眉關戲作

閣道春深日影遲珍禽處處轉花枝喚將傳檄飛書筆歸向  
章臺學畫眉

鳳州

薑芽不見手纖纖新酒微酸又半甜只有城南數株柳柔黃  
淺綠颺茅檐

馬嵬驛楊貴妃墓

蓬萊雲海久茫茫剩有靈祠對夕陽四壁遺詩鐫石墨知縣顧聲

雷集唐宋詩千秋過客弔香囊驪山賜浴承恩渥劍閣聞鈴

飲恨長休說一抔紅粉墓古今從此鑒興亡

行至西安秋帆撫軍合樂留飲卽席四首

十隊旌旗映日紅凱歌聲裏笑言同轉輸久已侔蕭相籌畫

尤能贊晉公陝西為入川要道君逆驢匹衣裝相繼不絕又常以書陳攻勦之策甚詳星隕櫟槍

綏井絡地安咩鑿徧河潼愧無典午如椽筆未勒豐珉記鉅

功

高牙大纛啟華筵正值和風旭日天誅蕩嚴關開百二驍騰

禁旅過三千時索倫秦晉之兵已撤萬餘隨侍將軍者三千名犒賞甚優明燈似月笳簫

壯旨酒如池角觝駢却憶碣門經百戰鞞刀伏突見李臨淮碑映

囊鞬

香案仙班第一人十年填撫重三秦豐年久兆和甘應 溫

旨常叨 賚予頻賓館詞章珠履盛鈿車金粉畫奩新政成

清暇猶勤學著作琅函日日親

酒酣耳熱氣飛揚摻袂題襟樂未央況值三春逢舊雨時袁侍郎

遷谷嚴侍讀休嗟兩鬢點新霜參旗映月更籌轉華嶽臨河

驛路長抗手鳴鞭馳馬去桃林燈火已輝煌

渡河

九曲自崑崙龍門復孟門風雲連趙魏嶽瀆表乾坤兩戒神



功在千秋故道存，酈桑我不取端與孟堅論。

曉行

曉出同戈驛，金盆落月低。鈴高邊馬疾，弓響怪禽啼。得雨桑陰密，翻風麥穗齊。回瞻蘆筍色，已在亂雲西。

鎮定道中

蓐食纔收見早曦，恆山晉水路透迤。喜聞驛馬嘶風去，正值林鳩喚雨時。戍卒鳴笳開道路，村僮攘袂指旌旗。八年不見晴光好，菜蕪桃花滿路歧。

抵良鄉

上命誠親王大學士舒公賜將士飯恭

紀

袞衣繡黼示恩綸，絡繹天府賜八珍。滅竈頻年驚蓐食，傳餐此日飲芳醇。壺漿簞食遐方靖，玉膾金齏異命申。近

望五雲同稽首，投醪久已沐深仁。

二十七日

聖駕幸黃新莊行郊勞禮奉

命

戎服入預鉅典翌日

賜宴紫光閣賞朝珠文綺銀

幣等物紀恩四言詩一百六十韻

柔兆涖灘月實沈，次吉日乙丑。長羸昌熾薰風徐來晴暘初，霽雨金川平萬方和會。詔令班師策勳飲至崇功懋賞稠。

頌疊賜橐弓衅戈往典罔替捷書所傳德音所示率土騰歡。

山陬海澨以上洪惟

聖朝憲天出治悉主悉臣暨于奕

世雨露以仁雷霆以義同軌同倫胥霑汪濊東踰嶠夷西迨月竈梯山航海獻琛受贄爰有么膺伏莽為崇渺若蟻蠓碎猶螻蟻厥號促浸僭拉為比居河之麋妄思吞噬往覘跳跟歲在己巳元臣上將是伐是肆厥角稽首蘄畱其類飛章入

告 詔從寬大 以上序乾隆己巳年大學士傳 恆進剿金川 即卡受款撤兵 垂三十春微

髮迄又豺狼貙貔逆種相繼血人于牙遂踵兇悖置吏以聞

乞加誅殪 帝曰徐之母勞烽燧 命九土司各簡精銳

嗾蠻攻蠻犇走自斃首鼠游移兩端疑貳績用弗成妖氛益

厲戕萼克什雜谷驚悸封豕長蛇游食是恣 帝曰咈哉

是奚可貫非張六師曷警四裔特 命騰衝移師往刈 時溫將軍

治兵騰衝為 申 命司農 謂戶部侍郎桂林 有虔載旆豈虞阨塞潛

竄魑魅毒懷辛螫狡甚嚙屎墨隴夜燔木果晚潰虞殞空悲

殺尸孰瘞羣情回惑疇決大計 以上序金川索諾木與小金川僧格桑糾結侵截兩路進

討失利 之事 睿計精詳默孚天意言念重臣公忠篤摯曩在

西陲羌胡懷畏仍 命統師總率羣帥金印煌煌定西最貴

出諸 史宓用遵節制輔以虎臣羽林宿衛再簡雄驍索倫

曠騎配以京營雲梯火器梅鍼儻巴 火鎗名 益以武械分道太

行循于河渭秦關蜀棧旌旄綵繚投石超距羣材奮勵 以上

詔令再 舉進剿惟茲梁益萬山鈎帶逮五印度攢青湧翠上拂天根

下紐地肺如鵬張翼如鼈露背或剡而飛或排而歧給訝詰

屈嵯峨幽曠藤蘿窳篠杉櫛蒙夔冬雷殷殷夏霰泥泥路仄

艱循巖虛凜墜崇碣崔嵬堅卡迤邐醜徒莘莘傍窺密伺火

鎗礮礮機石礪礪揚沙斷木竊撐螳臂熊羆萬千敢以身試

以上序兩金 川地方險惡將軍曰吁莫負英鷲聚米呈圖總攬全勢出奇

乘間九天九地先服美諾用紆忿懣三道進兵由噶爾始執

冰而渡操螯而躋懸布而登緣縋而縋斷彼檜櫟聯跨阻隘

川流湯湯兩崖兵滙皮船截浪厥母先繫斧石同摧衝車齊

曳旣斷泉源兼窮糧糈梁折棟橈牆圯垣壞逋逃無門喘息

奚恃面縛輿輓殼竦擗蹠連拘妻孥旋繫兄弟土官土目延

頸縲絀盡掃狡窟歲我戎事以上序連克兩金川俘賊酋全

明駝宵馳甘泉曉遞家僧格桑走死亦獲首級之事詔賜上公封同帶礪龍袞微卷平雀

翎雙綴白馬紫韁來于上駟畫筵芳蘭斷金是契異數殊

恩九霄霑被次及羣僚悉叨寵施遷秩晉階庸獎勞勩

乃勅禮官粵稽經誼樂游陳傳觀德唐志西師昔還儀炳

金匱郊勞鴻規有舉莫廢惟時絲綸已播中外蠲租

賜復輕徭薄稅并絡天彭旄鷄掃彗兩川蒙庥三秦送喜振

旅啟行分營別隊檉柳連陰麴麩岐聽緗桃紅殷芳草綠膩

白狼朱鷺愷樂爭沸後舞前歌達于幽薊以上序行賞宣

諭宗藩宰衡同萃載飭大官勞以酒馘進抵良鄉基如方罫

高臺崇壇煊赫雲際戎服衲衲儒冠棣棣穆穆皇皇六飛

臨蒞七萃扶輪八能承蓋金鴉騰空祥輝布瑞寶靈霽皇于

以次植抱膝而前天顏有睟樂作禮全笳簫鼓吹聚觀

駢闐徧及婦稚翠華還宮刑官奏議獻俘午門肆諸朝

市俾緬人觀魂驚魄碎迺幸苑西金鰲玉蟠太液池寬晴

波溶漪紫光巋然丹青藻繪千步毬場向以策士上圖將

相凌煙之似褒鄂弓刀蕭曹劔佩戰績輿圖前徽具在用啟

長筵再宣慈惠膳宰具匕饗人備食觴以清醪嘉以珍味

折俎蒸殺溢于鼎彝修劔脯肫馥芬陳饋湛露彤弓宮懸分

真麴部清音梨園仙籟拔河翹關示以瓌瑋度索懸橦侷以

疑駭耳目眩易樂此百戲娛娛漸畢重以優賚奕奕琲珠

重重文筓舞蹈歡呼皇仁霧霈仰見廟謨運在清閣

謀斷乃成任專斯濟帷幄折衝功成五歲上于山

陵告于洙泗更攄 天文鴻章鉅製鏤鐫瓊玖負以巖肩令  
置軍屯用安耕耒歸馬放牛邊隅永賴凡此 宸猷昭示邊  
吏漢收谷蠡唐擒頡利伊古準今莫能為儷以上序賜飯賜  
食賜宴郊勞等  
事 臣本輅才典午攸寄據鞍磨盾偏長末藝忝在戎行夙知  
覩記豈曰能文敢同崔蔡庸矢調言佐太史記

歸京師

九載年華等逝波循陔陟屺兩蹉跎入門砌已開紅藥轉徑  
牆猶習碧蘿香鼎茶爐仍帖妥書籤畫匣載摩挲喜心倒極  
言難盡更愧慈親涕淚多

病瘍蓋染緬中瘴毒在雪山  
不發至內地則發也

蠻服絲來瘴厲多戛鳩惡劣甚牂柯金城雖已隨充國土室  
終疑困伏波炎暑何堪長就枕庸醫直恐致沈疴閑官不聽

蘭臺鼓時已授鴻臚寺卿已覺兼旬廢獻歌

孟秋時享齋宿鴻臚寺署

素商愴將臨炎氣午猶熾向晚入官廬微颺振涼吹維茲句  
臚居羣藩所瞻視棟阿既崔巍几席亦周置古樹高拂牆雜  
華下綴砌明晨值孟秋齋宿獲清閑 法駕蒐興桓肅 命  
親藩莅昭事敢勿勤洗心詎遑寐少聞九門開旋覺六街沸  
迢迢禁鐘嚴銀河亘天際

授通政司謝 恩赴熱河作

脫劔囊弓乍六旬拜 恩又復上征輪幾年不過盧龍塞仍  
見青山面面勻  
了髻臨秋色倍明單衫快馬又經行山林似亦知人意掃盡  
陰雲與目成

白河繚繞更灤河斷汭荒灣雜樹多行傍塞垣三十曲石橋  
莊外下滹沱  
土竈茆檐晷正長風吹餅餌散餘香鄉村贏得兒童喜撲棗  
爭梨又滿筐  
鵲語稀聞絡緯多一鈎鮮月近明河居人豈解穿鍼節也有  
香燈隱薜蘿  
閒窗小簟覺微寒屢過無如此夕安最喜山泉秋更漲石缸  
南去夜潺湲

塗中卽事

流火時方屆長羸氣尚融乞漿呼走隸說餅愛村童上市爐  
梨富登場黍稷豐披襟還小憩香滿棗花叢

二道梁喜見張舍人商言夜話

西南轉徙八年餘每荷瑤華訊起居顧我形容還潦倒喜君  
意氣正軒渠詞章少擬三都賦校勘新研四庫書時君充文淵閣校理  
自笑麤官多夙習相從尚欲攷蟲魚

原作

張 埴 商言

看月山梁山翠無月中相對話榮枯十年慈母雙行淚萬

里歸裝八陣圖名士縱橫能仗劔詩篇彊硬亦彎弧慰忠

祠記蒼茫在又爲知交一歎吁成都建慰忠祠蓋祀亡友趙升之程香巖諸君者述

庵撰碑記

八月初七日奉 命重赴 山莊進哨

新月弦將上清秋節近中安仁閒已久公幹體還冲南極星  
杓麗西陲琛賚同重行瞻舊典振策躍青驄

永安園中 上親射鹿一發中之 命進

慈寧恭紀

共驚神臂應天功一矢兼收福祿崇乍見團圞開滿月旋聞  
霹靂響生風菟苗自合通靈佑巧力俱全等化工  
由來歸 聖孝朝馳珍膳達 璇宮 聖武

合圍後有鹿逸至金壇相國帳中繫以呈 獻膳房  
特 賜雙眼花翎以誌嘉瑞

四山萬騎殷雷霆黃閣開帷對翠屏豈有射聲來虎帳竟同  
折角出龍廷八珍絡繹增仙膳雙眼勻圓耀彩翎總與明良  
添盛事好傳佳話玉堂聽 相國時掌翰林院事

萬樹園陪蒙古王公 賜宴二十四韻

七萃從禽罷三驅振旅還蒼崖邊外路紅樹 苑中山 禁  
籊霜初肅平臯草盡刪鷹綠看共解馬潼喜均頒 盛典

諸部 鴻慈洽大寰位分藩服坐行次侍臣班入 覲儀容

格來王禮度嫺拜颺申振動 周禮九拜有 踰濟倍安閒角立

空拳奮凌虛巨索扳低昂神錯愕排蕩影漏爛緣縵奇爭炫  
尋檀氣不孱祆神紅帙首妖女翠低鬟搏拊咸韶亞俳優旃

孟間明燈開歷落爆竹響連環晃朗龍鱗麗飛翔鶴步翾繁

星流碧漢大礮震重關燕飲寧辭醉徵歌祇自憫豆登歆苾

苾鼎鼎色斑斑綠蟻浮三爵銀蟾露半彎銜 恩原浹髓

飽 德更開顏香爇帷宮暖雲圍 御幄殷 龍光施北國

豹畧懾南蠻 時遣緬人南歸 此日樊渠奏先時帶礪盼 前年已封貝子貝勒王公

等 嵩呼 皇澤溥灑水比潺湲

進古北口

獵獵旌旗萬騎旋蒼崖紅樹夕陽邊寒求妙藥醫龜手飢入

行厨斫蔬肩撲面尚驚風似翦當頭又見月如苙不知灑水  
緣何意嗚咽尤聞出塞泉

題清涼挹翠冊爲周舍人

發春

作用二十五合二十

二韻

聞君卜幽居門對長干墻樹影罨孤亭苔痕上橫榻彎環翠  
幾棱昕夕煙霏合景色如此佳何事紅塵踏君本婣雅材七  
略心胸納校字火吹藜載書車用蠟佇睇籥雲姿致身宜省  
閤偶然繪江鄉溪山靜喧還矧有六朝松閣世屢僧臘不攜  
古錦囊不挂鴟夸楹蕭條便高寄頗似梅花衲洵矣絕清虛  
於焉謝紛雜秦淮我夙經觀覽朋簪盍埭古敞平蕪湖澗渺  
歎欲依稀埽葉樓樓在清涼山寺中乘秋躡雙吸曩游已廿年從  
更鞅鞅勝境天一隅相望但嗚嗚臨窗展此圖彈指繞三匝

良辰正深秋黃鞠照扉闔酒鎗旣淋漓詩筆俄飄沓何日續  
前盟寺門趁飛鷁與君飲蛾綠清吟互相答

送李勉伯

純

之恩樂任

華陽黑水惟梁州滇池更越西南陬自此東行復千里猛摩  
者島非人儔漢宋以來未屬役元明稍稍通其球 本朝聲  
教迄禁昧生蠻漸已知耕耨黑羅白馬罷爭鬪蘆笙銅鼓銷  
戈矛種人究覺習尚異瘴母或作征途愁君也行年近六十  
捧檄萬里驅前騶東吳回望天一角羈宦詎免憂心妯酌君  
一杯勿紆軫牂柯我昨曾遨遊蒼山洱海窮驛遞金沙鐵壁  
參軍籌此中風景頗熟悉請以臆對君無訖銀生風俗醇不  
偷厥土赤埴恆倍收滿山紅殷開躑躅遍野黃落登麴麴煙  
邨日曉其驂篠平田雨足閒耕牛男能把鋤女能績賦稅本

薄輕誅求訟庭無人獄生草往往經歲虛呼囚碧羅之山煙  
雲稠屏展環帶峯巒迢曩時蒙氏號南嶽禮與朱鳥同牲羞  
杉木江水濃如油屈曲下注瀾滄流溪山左右帶畫堞足恣  
幽討兼冥搜矧君詩名三十載十字重比珊瑚鉤蠻荒自古  
乏清賞要藉翰墨垂千秋君今此去母夷猶登高作賦揚清  
謳我有舊刻存巖幽子游昆明之近華浦大理之龍尾關示  
昌之易羅池皆有詩學使孫君令宜刻  
于期君與我遙相酬

題畫冊二首

樹老鮮繁枝霜淨無畱葉蕭條欲雪天野徑何人涉惟餘竹  
數莖疎陰互交接石丈更清癯雲根皴千疊兩君各耐寒與  
世洗炎熱人間炙手徒對此神應懾誰爲絕俗者於茲幽賞  
愜

寒山幾疊青遠水千重碧依依葭菼亂隱隱楓櫛積危堞出  
層雲譙樓俯空磧誰人櫂扁舟遠檣垂楊驛頓似襄樊間我  
舊曾于役何當如次山洄溪就魚麥

家敦初上舍

復至都賦贈

九載重逢執手頻零丁身世共霑巾誰憐葛帔衝寒雪空見  
麻衣染路塵抵掌笑譚驚再世鏤心詩句足千春時以新刊  
丁辛老屋

題申副憲笏山三分水二分竹圖

卜得幽居遠市塵疏池掃籜作因緣懸知生計無多許合配

城西第五泉

春色三分未足多濠梁清境比如何先生八九吞雲夢一任  
人誇萬頃波



綠坡恰種千竿秀拂座欣披六月涼更葺三椽茅屋好十分  
清蔭滿林塘

消寒小集分賦廊湛若硯四十韻

湛若名露漁洋所謂海雪畸人死抱琴者也工諸  
體書學使者以恭寬信敏惠發題湛若制藝五比  
用大小篆八分行草分書之常亡命入廣西尋鬼  
門舊蹟又爲猗女執兵符者雲鞞孃書記歸撰赤  
雅一編以紀其事家蓄藏真墨蹟又蓄三琴一曰  
南風宋理宗宮中物一曰綠綺臺唐武德年製其  
詩名嶠雅手自開雕甚工今硯長四寸六分寬二  
寸有七鐫天風吹夜泉五字分書又湛若二字楷  
書又明福洞主小印皆勒在左側

先生昔空居長物竟何有生平嗜陶泓再拜盟石友茲硯更  
溫如嘉品實無耦材爲端溪良質乃下巖首朝洗暨夜吟十  
年恆著手自賦從軍行西南共巡擷嶺雪高入雲江瘴濃于  
酒草檄兼飛書羣蠻隨指喉萬里幸歸來堅貞共无咎安排  
侶楮墨拂拭淨塵垢維時屆嘉平霜飈刮窗牖張鐙暮開筵  
捧出陳座右其理潤而栗其色蒼且黝天風吹夜泉五字等  
蝌蚪曰明福洞主小印細堪剖坐客爭摩挲歎賞豈容口畸  
人緬海雪滄桑遭不偶于書得藏真護惜倍瓊玖于琴得綠  
綺鄭重踰圭卣與此寶成三勒銘志不朽巾笥互提攜蠻獫  
伴奔走想當綴文時蛟龍動蚴蟉是硯亦浮筠六書別跟肘  
暨乎游鬼門土伯雄血拇挾此硯與俱作書紀凶醜至其侍  
雲鞞侏儻遍林藪端惟寶硯功軍符列紛糾劫灰蕩南溟尼

運通陽九從容遂舍生浩氣拂星斗琴書靡子遺潛璞誰所  
守精靈本不沫旬使資覆瓿堅剛謝鬻缺完好存樸厚龍尾  
與鳳味眎此瞠乎後玉蟾如有知清淚定迸瀏層冰凍檐牙  
落月挂檉柳笑譚氣成虹感激曾堆阜祕同鉅伯區重比太  
公缶懸知餘澤存取用敢或苟應以寫嶠雅千古並垂久

元旦

啟明光已耀東廊椽燭紅爐照畫梁六日七分春乍轉五更  
三點漏方長消寒臘酒開新釀稱體朝衫認舊香行至虎坊  
橋漸近御街燈火更輝煌

初四日曹太僕慕堂

學閣

紀曉嵐

的

曹竹虛

文植

兩

學士招同小集

頻年元夕渺天涯蓑屨重來賞物華喜聽笙簫連爆竹更移

簾幕護梅花新詩共愛湘靈瑟

同人謂子楚中詩最佳

異事如乘博望

槎

時閱征緬蜀微紀聞憑仗諸君蠲宿疾敢辭轟飲醉流霞

奉

命同大學士梁

國治

副都統博

清額

給事中

劉

謹之恭輯

大喪儀

思齊

徽德徧紘縵月馭風輿上九天

大禮森嚴

昭會典

新綸稠疊纂長編鸞旗翠葆威儀肅桂酒蘭

肴涕淚連

聖孝通微超萬古祇虞海墨盡難宣

良鄉道中

桑柘陰陰隔近村素車白馬比雲屯午前更灑疎疎雨似與

從平聲臣益淚痕

塵沙早已淨陂陀共炷名香候輦過同此東風同此路不

知今日是清和

山村水郭路重重雨過前山斷靄濃知是招提皆禮佛白雲  
峯外數聲鐘

仲夏送瑞應南歸四首

南風播時薰綠陰帶芳甸溽雨尚未行頗覺征塗便驅車犯  
浮埃擊楫下高堰六年別故鄉雲山彌可戀深憐舊業凋豈  
謂客游倦忍聞鈴馱聲抗手戒清旦  
吾姊夙儉勤相夫數鹽米經營負郭田分析迨諸子何圖中  
道亡寧堪訊天咫子又軫哀絃尚乏南山梓惟餘咏絮人差  
能辯文史此恨與我同語次悲何已今歸過金閨良家禽可  
委不煩雙白璧便足侍牀第提攜儻北來分宅真可以  
嗟我別江鄉奄忽踰廿載容鬢竟全非艱危殊可駭菟裘旣  
未營瀧岡寧有待吾聞諸禮經不葬服不改生平則古先念

此憂如痲煩子省先坐松楸便埽灑插櫛補樊籬編茹擇爽  
塏庶備堂斧封事半功乃倍我趁鯉魚風一帆溯江海定能  
乞 君恩朝紱暫容解

念昔從軍時萬里事征討苦留白髮親形影伴昏曉齒衰疾  
病多勢失過從少狐鳥爭叫喧門戶焉可保感子自南來渭  
陽情獨抱拊搗繕醫藥料理逮微渺芸帙免飄零萱幃藉安  
好是誼寧可忘欲語淚傾倒今歸纔及期又聽驪歌繞別離  
雖不長終覺心旌掉所期慎眠餐聊用慰悽情

錢獻之

帖

徐尚之

書受

金振之

沖

胡元謹

量

張漢宣

彤家敦初招同朱竹君陶然亭小集分得五言排律

二十四韻

趁暇呼朋熟尋幽得地高亭虛遙對堞水涸細通濠路隘才

容騎車低畧似舳回塘穿薤薤枯樹聽蚶螭紺宇凌千尺蒼  
 嵐映四遭披襟涼更爽摻袂喜斯陶洵美南都彥均推北地  
 豪謂竹君衣冠從灑落禮數謝繁囂旋設桃枝席徐斟竹葉醪  
 擣珍充鼎實佐豆潔溪毛投分情逾愜論文首重搔篆書宗  
 許慎珠典沂徐敖古義康成訓詞源正則騷質疑羣說具舉  
 要片言牢經術須前輩身名歎爾曹遷期鷺出谷和媿鶴鳴  
 臯絢彩丹山鳳扶輪碧澥鼇且俱窮蝨簡何事慨綈袍一飽  
 風猶在三商日漸韜於焉娛放曠彌足浣塵勞雨氣濃鋪墨  
 雷聲殷伐磬蟾昏催舉燭騶闕促鳴鑣豈覺狂言怕終將樸  
 學操再期河朔飲重把蚶蛤毫時余復將觴諸君於此  
 家上舍冀州浩招同漢宣元謹小飲酒罷同過惻忠  
 寺

行 既日松梢將落涼風牆角初生扶得酒邊殘醉小香臺畔微  
 瘦權癩可舊識短李迂辛新知坐久長林欲暝空堂放梵聲  
 遲 六月何當追暑十年重訪前游不是香羅疊雪精藍深處如  
 秋 缸萍已開十字籬菊才種千行絕勝開樽河朔浮槎小試流  
 觴

李撫軍右川湖惠湘蓮寄謝

瀟湘連洞庭青青徧蘭芷碧荏與香蘅幽芳散洲沚間以菡  
 萼花淩波渺雲水扁舟落其實良可佐服餌生平寡嗜欲膏  
 羶夙所鄙頗復愛芳蓮包茅來千里君如玉壺冰貞廉久自

矢同心辱餽遺不惜疑意苴我今將歸吳土物亦清綺雉尊  
品最佳鱸膾味益美行將致一函庶幾等報李

八月二十六日夜集鄭學齋送尚之赴鹽山聯句六

十四韻

合哉意未厭甫德分襟手先抗高齋劇清虛青浦徐薊詞客盡

偶募谷空懷駒維昭文吳蔚塗遠感驪唱聚散風搏沙嘉興

經書去來塵掘塊契緣耦居殷秀水王情用小別愴令序際

秋高烏程張晴曦轉春盎露華綴金莖無錫楊芬霞彩豁蓬

聞涎涎馱辭燎武進徐書淒淒葢語賞荷衰香未銷甫德葦折

霰徐颺景物逼蕭森林薈河山攬悲壯黃騰潞水波甫德碧劇鴈

門嶂霽久旱塗泥年書涼深絕炎炕選勝景彌佳初教追歡神頗

王叢譚翦韓繁漢宣促坐列歐舫臭合味逾蘭荔言溫挾同續

矧余本愚蠢之尚入世豈冗長秀是江東推甫德美非城北讓舊

家鐵甕鄰林薈新製玉臺賦慘綠雖少年甫德中黃等飛將一噴

真一醒年書十決還十盪摩霄鵬擘雲初教橫海鯨跋浪門庭得

真傳漢宣臺閣有依樣賦醜西都賓荔碑考北海相問字喜春

容之尚說經嘉硜伉文思聿湛深甫德志性乃慈諒棲鶴類乾筮

林薈食墓侶張暢獨行眾所推甫德浮榮視猶儻會看簪古征年書

寧復軫剝放應起曲江名初教遂侍含元仗今春辭蘭陵漢宣上

計過督亢始至賃臯廡荔繼遷依釋藏時寓永畸士借許渾

尚之謂經師服戴望謂錢步趨蚤後先甫德賡和禽頡頏名流

爭攬環林薈上客互投狀論心恨已遲甫德識面慨非妄譚藝抗

其精年書道古敦所尚相期彼岸登初教庶幾我軍張茲違鄴下

游漢宣聊作剡溪訪詎憂邁靡靡荔終覺情悵悵咄嗟煩官廚

尚忽卒辦祖帳劔童飭招邀德甫竈婢競拊搗瑱浮雀舌林  
燔撥松花釀蟹熟毛以薑德甫豚蒸濡用醬薑菹發宿儲書餅  
飲詫新剗銜杯笑正酣初投箸神忽迂襪被幸同攜漢宣時  
思借春糧誰見餉瑯環書百函裝殼棘車一輛杳杳鴈銜薑  
尚勞勞獸走壙游日乍依依德甫回首定恨恨青垂梨半林蒼  
紅綻棗一桁縣僻夷邨墟德甫邑巖置亭障童山屹有稜年書  
井寒無漲旅程頓羸驂初甥館卸輕裝哦松訴合離漢宣咏絮  
寄疇唱時尚之身為鹽山佩萸席上分裝鈴鞠籬邊傍時未  
怨蹉跎尚趣方適閒曠鹿鳴芳訊傳德甫鯉躍層津上一舉快  
先登林三捷驚輩行土拭出龍泉德甫葉穿開虎韞銀榜著聲  
華年書月燈展諧鬯還過白楮坊初再躡黑窰厥須傾榼三升  
漢重著屐幾兩刻羽佇郢謳初斷輪待齊匠振衣復升堂尚

毋畏俗人謗

德甫

同人復集鄭學齋送獻之赴西安分得七言長律二

十韻

朔吹櫛樛木葉殘送君迢遞到長安劉蕢豈信文詞累

君以

擯鮑照深愁道路難棘下遺經真獸抱淹中異本必親刊書

追絕業惟周史友結當塗悉仲桓每謂鹿鳴思野食屢羈鵬

翼望風搏中年陶寫原無藉下第情懷迴自寬抗手非同題

柱客折腰恥作寫書官來經薊子摩銅狄去指仙人捧露盤

古驛蒼蕪沙獵獵征途叢鞠影團團三千法界臨高蹠百二

關門擁急湍渤碣雲深行漸遠峭函雨霽候初寒建牙東道

依賢主秋帆躡屐南樓接古歡來殷去軫遙看隨塞鴈分矜

詎免惜蜺蟠世親久已攀蘿薦交誼從來媿蕙蘭共泝微言

千載合別裁俗解百夫謹幸邀下榻同燈火未晒空室剩結  
莞卜夜再逢佳士聚開筵仍飽腐儒餐依微蟾欲沈弓影照  
膊烏將振羽翰勸學頻教師鄭服知人端在辨殷韓驪駒歌  
罷重迴首合譽星芒拂馬鞍禮緯下有賢人聚則合譽星明  
秋林授經圖爲同年韋慎占 謙恆題

九師遺訓久失傳先天河洛爭喧闐野文誰始始輔嗣專舉  
人事爲真詮兩漢遺法悉愍置猶出蕭艾芟芳荃後來幹材  
益剗說率以臆對誇虛元卓哉資州功最鉅三十二氏相鈎  
鍵鄭君爰辰契象緯孟喜卦氣隨衡璇旁道最敷上虞奧升  
降敢議慈明偏納音納甲亦偶及茹納萬派規其全坐合後  
代汲古士先河尚得窮靈淵我昔從軍過莊道讀書臺地曩  
寒煙撫髀太息告牧守亟奉粟主供几筵春秋享祀幸匪懈

大書深刻青瑤鐫資州有李鼎祚讀書臺辛卯冬予過其地因告之知州本著俾作主以人莫有知者鄉賢祠內亦無其名  
附于學宮并爲文鏡諸石 豈能昌言紹絕業望古聊免心  
憂悃韋君崢嶸起上第鴻詞彩筆相新鮮螭坳鼇禁聲望偉  
文昌華蓋光芒聯絡節衡才赴東海思用經訓爲開先明湖  
況復好山水步有酒舫家漁船鐘樓迴出紅樹杪藥子馱往  
青溪邊講堂曉開槌大鼓子衿幾輩隨差肩六詩三禮姑舍  
是首明義畫敷寒氈清言霏霏等屑玉精義袞袞同飛泉智  
者忻喜愚者歎金篦刮目開蒙顛公餘清暇更課子小狐濡  
尾俾無愆君自題有句云小狐濡尾戰兢斯无咎歷城我亦舊游地曾記授館  
資丹鉛圖書萬卷列左右有若蟬螿紛旁穿端拜雜誦竟何  
補僅與弟子排蹏筌流光一瞬已廿年却視斯卷情悠然褒  
衣博帶當檻坐雛鳳以次偕勤拳漢京經術重師法汝陽會

稽咸家傳矧君九世遞承受膝下陳義聞便便豈惟門風等  
房杜定見行誼儕淵騫天人理象浩煙海古曰在昔稱先賢  
折揚皇考諒勿取陸澄有說期覃研

題潭州鐵佛寺塔柱文後

潭州志唐開元時衡岳降神舍鐵造佛兼以鑄塔乾  
隆四十年梁階平中丞國治修寺工畢次及墻除舊  
甃得鐵柱如幢貫塔中長丈有四尺圍尺有八寸上  
刻觀察李思明皈依慈氏發願生內院文下刻陀羅  
尼呪皆宋淳化元年進士董護書僧曰道崧王曰李  
昇計字七百六十有奇完好可誦臬使梁幼循敦書  
搨以遺余且屬作詩以記之

我聞阿逸多事蹟著梵夾生於日月燈兄弟並巖業稽首師

妙光好游心不乏厥名志求名利養頗嗜啗因得唯識觀行  
滿塵沙劫記次補佛處無生忍所攝現在兜率宮雷音振衰  
荼人天百萬萬瓶拂繞千匝有願上生者彈指但一霎分處  
內外院根器了不雜各各悟身塵紛紛謝夢魘坐待末教時  
金輪起傾壓爾時閻浮提紹位更說法是以雞足山入定有  
迦葉手持金伽黎萬仞閉巖闔而此震旦中投地累肩胛舍  
生復受生三摩冀親習判官故自超清齋飽米汁不欲阿閼  
居不欲蓮池涉願生天中天免卵胎化溼敬聞第一諦衣袂  
天花裊惟大陀羅尼密因機最捷如昇天得枕如浮解獲楫  
冀渡一切眾雕鏡照眉睫巍巍鐵佛寺臺以千花塔年深半  
傾歎已慮相輪塌中丞更新之備夫佐盞錘中標鐵柱尊稜  
稜久尚插厥長尋六尺厥圍二九恰厥首蟠龍螭之而震鱗



甲剗剔蘚與落磨洗泥與塏字畫忽分明精鏤助光熠深觀  
發願文血誓宛盟歆速求正等覺慈氏儼可接李昇爲鐫工  
道崧乃老衲年紀宋淳化閱世六百臘其文七百餘字字妙  
妥帖念彼觀音力鬼神盡震讐呵護永不刊覽者並懽洽登  
登拓藤紙裝潢伴白氈懿與華嚴境樓閣何人躡善財昔南  
詢仰睇見巾屨香雲華鬢雲莊嚴麗層疊普告善男子信此  
勿呀呬我亦懷西方刻意修淨業無礙大悲心熏修愧周淡  
五色爛金沙七重蔭簾押勝果諒不殊須彌容互納放筆爲  
此詞海潮應歎歎

送錢上舍魯思

伯駒南歸

垂楊無復覆寒津欲覓將離尚隔春草草分衿增悵望紅亭  
誰可贈行人

筆如臥虎更游龍其讓臨池八體工此去有人爭破祓長塗  
莫歎客囊空

茸裘不敵五更霜鈴馱聲中整客裝幸有同人之謂尚相慰藉  
茅檐土銜夜歌商

秋風瑁瑯不堪論共逐征鴻返故邨今日送君歸獨後臨岐  
銷盡未銷魂

題文衡山五柳歸來圖

後幅并錄  
移居詩

陶公返柴桑高節著千古古來賢達流圖繪豈勝數是卷衡  
山作林巒互容與橫橋接蘅臯清溪繞農圃從容扶杖回垂  
柳拂眉嫵琴樽映簾櫳花芍散庭戶疇昔所植松青蒼歷風  
雨相對歲月長足以貞出處從茲想高情不翅鸞鶴舉後錄  
南村詩風流宛相語是畫并是詩生平性所許何期廿載餘

塵網久羈旅捲圖益自慚遙憶青溪墅庶藉息壤盟歸作漁  
樵主健意良是足以真出國為遊歷高節不致驚離舉必

時無自無然林地繁鬱其茂猶或可謂昔也跡恐青蒼忽風

山林鬱區容與對對高平南溪對以別於容於林

國公恐榮桑高翰落千古古大其意為同和立如

藝文尚山正謝禮來同



餘盡未餘

秋風野癡不堪歸共後山對於始神今日後得報歸後詞如

張謝士給交相商

直葵不適正更霖冷想釋中釋容楚幸有同人

莫漢容囊空寒津欲見將離尚隔春草草分粉增悵望紅

筆收烟氣更執頭共曠詞出人翻工拙去首人爭地蕪尋坐

